

四庫全書

集部

欽定四庫全書

集部

杜詩詳註卷十四

詳校官給事中_臣王鍾健

檢討_臣何思鈞覆勘

總校官進士_臣朱鈐

校對官待詔_臣胡士震

謄錄監生_臣閻允中

欽定四庫全書

杜詩詳註卷十四

翰林院編修仇兆鰲撰

寄董卿嘉榮十韻

黃鶴注當是廣德二年秋作

聞道

去聲

君牙帳防秋近

去聲

赤霄下臨千仞雪

一作千雪嶺

却

背

音佩

五繩橋

首記董卿防秋之地近赤霄言其高千仞雪言其險

君牙帳謂

董君之牙帳吳注引邢君牙謬矣王洙曰兵家書牙旗

將軍之旗立於元帥帳前故謂之牙旗曹植詩高牙乃

建勳部新書近代通謂府庭為公衙即古之公朝也字本作牙詩曰祈父予王之爪牙祈父司馬掌武備象獸

欽定四庫全書

杜詩詳註

以爪牙為衛故軍前大旗謂之牙旗出師而有建牙禍
牙之事軍中聽號令必至牙旗之下與府朝無異近俗
尚武是以通呼公府門為牙門字訛變轉為衙東京賦
注竿上以象牙飾之後人遂以牙為衙鶴曰唐志佛堂
一百八十里至勅令驛鴻臚館至贊善牙帳高適謂
三城邈在窮山之顛其高可知雪山注見前謝靈運
詩連峯競千初元和郡國志絕橋在茂州西北架犬
江上今按絕橋以篾索五條布板其上架空而度山在
橋外故却轉音海內久戎服京師今晏朝音犬羊曾音爛
與橋相背

漫宮闕尚蕭條猛將去聲宜嘗膽龍泉本作必在腰黃圖

遭汚辱去聲月窟可焚燒會取干戈利無令平聲斥候驕居

然雙捕虜自是一嫖姚中殺吐蕃之亂勉其敵愾也
亂後事冗故日晏退朝嘗胆腰

劍欲報汚辱月窟在西吐蕃巢穴也兵利寇退則斥候不騎捕虜嫖姚以古名將望之家語子路戎服見孔

子漢明帝論日晏坐朝幽枉必達應劭曰犬馬為

羣班婕妤賦登薄軀於宮闕兮孫子荆書蕭條非

復漢有李陵書猛將如雲吳越春秋采葛婦歌嘗

膽不苦甘如飴越絕書取鐵英作鐵劍三枚一曰龍

淵風胡子曰欲知龍淵觀其狀如登高山臨深淵詩避

唐諱改稱龍泉哀江南賦擁狼望於黃圖駱賓王詩

紫塞流沙北黃圖灞水東唐藝文志有三輔黃圖一卷

張潛注黃圖猶今之黃冊後漢魯恭疏汚辱善人

長楊賦西歷月窟西域傳斥候百人五分之擊刀斗

自衛張翰詩能否居然別後漢馬武傳建武四年

武與虎牙將軍蓋延等討劉永落日思輕騎去聲高一作秋

拜捕虜將軍嫖姚注別見

天憶射

義從石音讀從謝音

鵬雲臺畫

戶化切

形像皆為

去聲

掃氛妖

未結寄懷之意重為激勵也
落日高天秋時景輕騎射鵬軍中事雲臺諸將以掃寇著名董卿當自勉矣
此章首尾各四句中間十二句
北齊書斛律光嘗射一大鳥正中其頭形如車輪旋轉而下乃鵬也邢子高數曰此射鵬手時
號為落鵬都督

立秋雨院中有作

廣德二年秋在嚴武幕中作院中節度使府署

山雲行絕塞大火復

秋切

西流飛雨動華屋蕭蕭梁棟

秋窮途愧知己暮齒借前籌已費清晨謁那成長

子兩切

者謀

敘立秋逢雨在院有感也指嚴公言不能成就其謀也

借籌時為參軍長者此及下段皆一景

一情疊敘上下相應

詩七月流火注大火心星也七月則此星西流左傳火猶西流司歷過也

謝靈運詩

華屋非蓬居

謝朓詩朔風吹飛雨蕭條江上來詩風

雨蕭蕭

留侯世家臣請借前箸為大王籌之

好謀

而成子為長者慮

解衣開北戶高枕對南樓樹濕風涼

進江喧水氣浮禮寬心有適節爽病微瘳主將去聲歸調

鼎吾還訪舊丘

撫院中雨景思及草堂也北戶南樓幕府宮室樹濕江喧雨時景象訪舊丘

復尋花溪也

此章上下各八句

漢官儀三台助鼎

調味牛弘食舉歌鹽梅既濟鼎鉉調

還舊丘黃生謂

隨武回京按破船詩云緬邈

懷舊丘本指草堂此可相證

奉和

去聲

嚴鄭公軍城早秋

鶴注當是廣德二年秋七月在幕府作

秋風嫋嫋動高旌玉帳分方射

音石

虜營已收滴博雲間

戊欲奪

胡三省作次取

蓬婆雪外城

此詩稱嚴公將畧上二早秋軍城下二頌其戰功

九歌嫋嫋兮秋風

趙曰王帳謂大將軍之帳詳十一

卷困學紀聞的博嶺在維州章阜傳出西山靈關破

峨和通鶴定廬城踰的博嶺遂圍維州搏雞棲攻下羊

溪等三城取劍山屯焚之鶴曰蓬婆乃吐蕃城名元

和郡國志柘州城四面險阻易於固守有安戎江蓬婆

水在州南三十里大雪山一名蓬婆山在柘縣西北一

百里胡夏客曰唐書吐蕃傳開元二十六年劍南節

度使王昱攻安戎城於城左右築兩城以為攻拒之所

頓兵蓬婆嶺下運資糧守之吐蕃來攻安戎官軍大敗

兩城並陷將士數萬及軍糧甲仗俱沒此云欲奪蓬婆

雪外城望其為

中夏雪恥也

黃生曰詩中用地名必取其佳者方能助色如鳳林
魚海烏蠻白帝魚龍鳥鼠是也滴博蓬婆地名本粗

硬用雲間雪外字以調適之讀
來便覺風秀運用之妙如此

軍城早秋

附嚴武詩

昨夜秋風入漢關朔雲邊雪

一作月

滿西山更催飛將

去聲

追驕酋莫遣

一作故

沙場匹馬還

此詩見嚴武雄心上二邊秋之景下二軍城之

事惟飛將謂風雪促行

張潛曰嚴詩豪健無匹宜

具以風雅重公可謂同調矣唐民謠將士長歌入漢

關漢書匈奴號李廣為飛將

沈佺期詩薄命由驕

鹵公羊傳匹馬隻輪無返者嚴武傳廣德二年九月破吐蕃七萬餘衆拔當狗城遂收鹽川城通鑑武以崔旰為漢州刺史使將兵擊吐蕃於西山連拔其城攘

地數

百里

院中晚晴懷西郭茅舍

即浣花草堂

鶴注

當是廣德二年秋作

幕府秋風日夜清澹雲疎雨過高城
葉心朱實看

平聲一作

堪

時落階面青苔老更

從英華他本作先自黃生作元自

生復

扶又切

有

樓臺銜暮景

同影

不勞鐘鼓報新晴
浣花溪裏花饒笑肯

信吾兼

一作今

吏隱名

此不樂居幕府而作也上四雨後秋色五六院中晚晴七八西郭茅

舍

朱實落承秋風青苔生承疎雨晚影西照鐘鼓聲

高皆晴占也

溪菊正開若笑人勞攘者彼亦肯信我

吏隱之志否耶

杜臆玩未二句直欲乞休而其詞含

蓄近詭溫柔敦厚之意可見

劉琬詩朱實損勁風

朱瀚曰落其實見左傳

江淹詩青苔日夜黃蕭懿

詩樓臺自相隱

舊注俗以鐘鼓聲亮為晴之占故曰

報新晴

徐惟妻劉氏百舌詩庭樹且新晴

唐太宗

詩笑樹花分色

舊以饒笑為多笑或解作免笑引公

詩日月不相饒為證汝南先賢傳鄭欽吏隱於蟻陂之陽楊德周曰晉山濤吏非吏隱非隱公在幕府為吏

歸草堂為隱

兼有其名也

盧世漣曰此詩舉束縛蹉跎無可奈何意一痕不露只輕輕結語云浣花溪裏花饒笑肯信吾兼吏隱名既悲老趨幕府為溪花所笑將欲駕言吏隱又恐為溪花所疑幾多心事俱聽命於花深乎深乎

宿府

鶴注此廣德二年在幕府作

清秋幕府井梧

一作桐

寒獨宿江城蠟炬

一作燭

殘永夜角

聲悲自語中天月色好誰看

平聲

風塵荏苒音書絕關塞

蕭條行路難已忍伶俜十年事強區兩切移棲息一枝安

此秋夜宿府而有感也上四敘景下四言情首句點

府次句點宿角聲慘慄悲哉自語月色分明好與誰看

此獨宿淒涼之況也鄉書濶絕歸路艱難流落多年借

棲幕府此獨宿傷感之意也玩強移二字蓋不得已而

暫依幕下耳按杜臆悲自語好誰看下三字連續悲

字好字作活字用測旨將角聲悲月色好連續讀於下兩

字未妥朱瀚曰一枝應井梧棲息應獨宿格意精妍

殷仲文詩獨有清秋日漢書李廣幕府省文書

庾肩吾詩井梧生未合詩數彼獨宿王延詩霏雲

承永夜胡夏客曰角本列宿故借角聲對月色珠巧

庾信詩地迴角聲長梁武帝詩秋月出中天何遜

詩月色臨窗樹詩荏苒柔木即注荏苒侵尋也張華

詩荏苒日月庾信詩音書兩俱絕關塞注別見

曹植詩中野何蕭條蔡琰茹曲闕山修阻兮行路難

占猛虎行伶俜到他鄉 易十年乃字 邵寶云自
祿山初反至此為十年顧注謂自乾元初棄官至廣德
二年為七年其云十年者舉成數言耳兩說不同今從
前說 宋武帝教樓息閭閻懷寶待耀 左思詩巢林
枝一

到邨

此乞假而暫到村也舊注謂是廣德二年秋作明年正月遂辭幕歸村矣

碧澗雖多雨秋沙先

去聲陳作亦

少泥蛟龍引子過荷芰逐

花低

此到村秋景

寬故蛟龍引子而過泥少根脫故荷芰逐花而低

下二分承杜臆謂荷芰低垂如蛟龍經過所致以上句形容下句此另一說 謝靈運詩銅陵映碧澗 西京

雜記瓠子河決有蛟龍從九子自決中逆上入河噴沫流波數十里

老去參戎幕歸來散

馬蹄稻梁須就列榛草即相迷蓄積思江漢疎頑

吳作頑疎

惑

一作感

町

一作斑

畦暫

一作稍吳作雙

酬知己

音問

還入故林棲

一作還入故林棲

此到村教懷

老參戎幕苦於拘束歸散馬蹄喜得游行也下文皆商度歸來之事欲謀稻梁須身就農列惜

田間榛草日已荒迷耳思出江漢則蜀難久留但舊畦

仍在未免惑志耳所以願辭戎幕而歸棲故園也未聯

仍應上二句此章上四句下八句沈佺期詩戎幕

生光輝曹植詩俯身散馬蹄東征賦且從衆而就

列兮蓄積思江漢即所謂江漢思歸客司馬遷傳

其素所蓄積也王濬自理表而以頑疎舉措失宜嵇

康詩匪降自天實由疎頑謝靈運詩去子惑故蹊

莊子彼且為無町畦亦與之為無町畦町畦田畔之界

也分謂分誼魏志臧洪書分為篤友又杖策攜背

虧交友之分王融詩人情舊鄉客鳥棲思故林

邛雨

鶴注當是廣德二年在草堂作

雨聲傳兩夜寒事颯高秋攬

一作挈

帶看

平聲

朱紱開箱覩

黑裘世情只益睡盜賊敢忘憂松菊新霑洗茅齋慰遠

遊

首聯記村雨次聯承寒事下乃感懷自遣

集寒則

思衣看朱紱君思未報覩黑裘失意未歸今幕僚不

合世情付之一睡而軍謀既豫盜賊每以分憂唯此松

菊茅齋差慰客遊耳仍照村雨作結
何遜詩蕭蕭江

雨聲陸倕詩江關寒事早
員外服緋故云朱紱黑

裘用蘇秦事

經子不識世情
歸去來辭松菊猶存

獨坐

詩云朱紱負平生當是廣德三年秋為參軍時所作即所謂白頭趨幕府深覺負平生意

黃鶴編在江陵詩內非

是李陵書獨坐愁苦

悲秋

一作愁

迴白首倚杖背

音佩

孤城江斂洲渚出天虛風

物清滄溟恨

一作服非

哀謝朱紱負平生仰羨黃昏鳥投林

羽翮輕

上四獨坐秋景下四獨坐感懷

楚辭收潦而水清此江斂洲渚出所自來天高而氣清此天

虛風物清所自出

投林羽翮輕即還入故林棲意

謝靈運詩蕭條洲渚際國語風物以聽之

江村文選浩浩滄溟

何遜詩相顧無羽翮何由總奮飛

倦夜

顧陶類編作倦秋夜

張遠注竟夕不寐故曰倦夜趙次公曰此詩無情無緒是比興非

專詠夜景也黃生曰七八句是作詩本意亦是作者本色杜臆此詩亦必到村後作

竹涼侵卧內野月滿

一作過

庭隅重露成涓滴稀星乍有

無暗飛螢自照水宿鳥相呼

顧陶類編作飛螢自照水宿鳥競相呼

萬事

干戈裏空悲清夜徂

上四夜中景下四景中情竹迎風故涼月當空故滿此初夜之景

露凝竹而成涓滴星近月而乍有無此深夜之景月落以後暗螢自照竹林之外宿鳥相呼此夜盡之景萬事干戈此終宵所思者初秋夜短故數其易徂暗飛螢水宿鳥上三字連讀自照有感孤棲相呼心傷無侶黃注前幅刻畫夜景無字不工結處點明章法緊峭史記信陵君傳出入卧內孫綽子時雨霑乎地中涓滴可潤王符潛夫論螢飛耀自照傳成螢火賦期自照於陋形謝靈運詩水宿淹晨暮杜修可曰陸鳥曰棲水鳥曰宿又曰凡鳥朝鳴曰朝夜鳴曰夜林鳥以朝嘲水鳥以夜咬春秋繁露水鳥夜半水生感其生

氣益相呼而鳴長
門賦徂清夜於洞房

王直方詩話東坡云司空表聖自論其詩以為得味
外味綠樹連村暗黃花入麥稀此句最善又云棋聲
花院閒幡影石幢高吾嘗獨遊五老峯入白鷗觀松
陰滿地不見一人惟聞棋聲然後知此句之工但恨
其寒儉有僧態若子美暗飛螢自照水宿鳥相呼四
更山吐月殘夜水明樓才力富健去表聖之流遠矣
慈水姜氏曰朱文公謂暗飛螢自照語自是巧不
如韋蘇州寒雨暗深更流螢度高閣此景為可想却
說得自在了據此可見詩家身分當作三層看蘇與
司空尚是就詩論詩晦翁則於詩外別有見解矣

陪鄭公秋晚北池臨眺

鶴注編在廣德二年秋成
都作公在幕中故云參軍

迄

北池雲水濶華館聞秋風獨鶴元一作先依渚衰荷且映

空首教秋池景物劉楨詩華館寄流波豁達來風涼
謝靈運詩獨鶴方朝唳蕭慤詩池清似映空

采菱寒刺上踏藕野泥中素櫟分曹往金盤小徑通菱

菱露草碧片片晚旗紅盃酒霑津吏衣裳與釣翁此記臨眺

景事素櫟金盤採取菱藕以獻也分杯授衣席前頌

惠於人也杜臆素櫟盃酒兩聯寫出大官遊宴氣

象招魂分曹並進謝靈運詩菱菱春草生庾信

詩片片紅顏落列女傳趙簡子擊楚與津吏期津吏

醉卧不能度異方初艷菊故里亦高桐搖落關山思去聲淹留

戰伐功嚴城殊未掩一作啟清宴已知終何補參軍一作卿

戰伐功嚴城殊未掩一作啟清宴已知終何補參軍一作卿

之一作

歡娛到薄躬

成都故里開山心想長安嚴成以

異方淹留身在

下記陪宴也戰功稱嚴未聯自謙杜臆菊花開而吐

艷桐脫葉而枝高艷高二字死字活用嚴城未掩清宴

知終樂而有節非縱逸遊而忘敵愾者此章四句起

荆為石苞參軍事徐勉戒

子書薄躬遭逆遂至今日

黃鶴曰公在嚴武幕中自遣悶有作奉呈後如詠竹

泛舟觀岷山畫圖至北池臨眺皆分韻賦詩其情分

稠密如此而史謂嚴武中頗銜之不知何所本而云

遣悶奉呈嚴

吳本有鄭字

公二十韻

鶴注此廣德二年秋作

白水魚

一作

竿客清秋鶴髮翁胡為來

一作

幕下祇合

在舟中

首段敘情言致悶之由蓋不樂居幕府而欲遂其幽閒也幕下舟中領下二段申涵光曰胡

為二句語似太率

後漢趙典傳贊大儀鶴髮注白髮也庾信賦予老矣鶴髮難皮在舟與漁樵為侶也

黃卷真如律青袍也

去聲

自公老妻憂坐痺

卑利切

幼女問

頭風平地專歌倒分曹失異同禮甘衰力就義忝上官

通疇昔論

平聲

詩早光輝仗鉞雄寬容存性拙剪拂念途

窮露裏思藤架烟霏想桂叢信然龜觸網直作鳥窺籠

此述幕中勞瘁之態露藤烟桂欲息草堂而不得也

如律自公言為官守所拘坐痺頭風恐致多病歌倒頽憊已甚異同意見不侔衰力如此而甘就列者以義與嚴公通好也論詩四句俱就武言寬容剪拂厚故交也

觸網窺籠言不得遂已優游之性 唐會要天寶四載十一月勅御史依舊置黃卷書闕失每歲委知雜御史長官比類能否送中書門下改轉日褒貶 光武詔敢拘執論如律儒林傳他如律 唐志尚書員外郎從六品至上元元年制五品服淺緋六品服深綠朱注公時已賜緋而云青袍者以在幕府故耳舊注謂青袍九品服誤矣 昔在朝班則自公退食今青袍從事亦自公而退矣 漢安帝贊即位痿痺痺脚冷濕病也 漢食貨志廼分遣御史廷尉正監分曹 世說桓玄北伐人間頗有異同之論 吳志孫堅曰古之名將仗鉞臨衆世說謝之寬容愈表於貌 廣絕交論剪拂使其長鳴 淮南小山桂樹叢生兮山之幽 史龜策傳龜使抵網而遭漁者得之 齊書劉善明謂沈攸之曰此已籠之鳥耳秋興賦池魚籠鳥有江湖山藪之思 西

嶺紆邨北南江繞舍東竹皮寒舊翠椒實雨新紅浪簸

船應

平聲

坼杯乾

音干

甕即空藩籬生野徑斤斧任樵童束

縛酬知己蹉跎効小忠周防期稍稍太簡遂忽忽曉入

朱扉啟昏歸畫角終不成尋別業未敢息微躬

此述草堂景物

之勝曉入昏歸趨走幕府之不暇也

西嶺南江此遠

景竹翠椒紅此近景船應坼不暇修甕即空不暇釀生

野徑聽人行任樵童憑人採矣今束縛而酬知己者亦

以蹉跎日久欲效小忠耳雖涉世亦念周防而生性終

傷太簡晨夕之間往來幕下安能偃息茅堂乎

申涵

先曰束縛二句感恩語說得悲酸

詩椒聊之實說

苑鮑叔奉酒而起曰祝在君無忘其出而在莒也使管

仲無忘其束縛而從魯也

世說周處曰年以蹉跎終

無所成

楚辭陳誠兮效忠京房傳可謂小忠未可謂

大忠也

杜預左傳序云包周身之防太簡出論語

欽定四庫全書

杜詩詳註

十二

徐伯陽詩丹城壁日啟朱扉張正見詩風前噴畫
角石崇思歸引肥遯於河陽別業沈約詩遇可淹

留處便欲烏鵲愁銀漢駕駘怕錦幪會希全物色時放
息微躬

倚梧桐末結呈嚴本意見出幕可以遣悶矣愁銀漢
無填河之力怕錦幪之致遠之才惟望全其物

色庶得逍遙自適耳杜鰲物色謂幸全體面此章
首尾各四句中二段各十六句七諫却騏驥而不乘

今策駕駘以取路何遜詩華池物
色新莊子倚樹而吟據槁梧而瞑

周必大益公詩話韓退之上張僕射書云使院故事
晨入夜歸非有疾病事故輒不許出抑而行之必發
狂疾乃知唐藩鎮之屬皆晨入昏歸亦自少暇如牛
僧孺待杜牧固不以常禮也王嗣奭曰觀公此詩
知非縱情傲誕矣即幕僚不合止云分曹失異同而
平地傾歌且又自分其過可以覘公所養矣黃生

曰公與嚴武始終聯合之故具見此一詩蓋公在蜀
而依嚴武其於公故舊之情不可謂不厚及居幕中
未免以禮數相拘又為同輩所譖此公
所以不堪其束縛往往寄之篇詠也

送舍弟穎

一作頻

赴齊州三首

鶴曰此廣德二
年秋成都作

岷嶺南蠻北徐關東海西此行何日到送汝萬行

音啼

絕域惟高枕清風獨杖藜時危暫相見衰白意都迷

首章

敘惜別之情

上四送弟赴齊下四自歎寥落

岷嶺

徐關言道里悠長高枕杖藜言形影相弔

杜臆岷嶺

在南蠻之北徐關在東海之西行非計日可到故淚亦

無時不流又云時則危見則暫身則衰白恐再晤難期

也結語極悲

南蠻南詔蠻徐關在齊地

左傳

韋之戰齊侯自徐關入

列子穆王意迷心荒

風塵暗不開汝去幾時來兄弟分離苦形容老病催江

通一柱觀

去聲

日落望鄉臺客意長東北齊州安在哉

次章

無敘別後之思

此亦四句分截

風塵二句承上時

危兄弟二句承上哀白一柱觀經過之路望鄉臺遙想

齊州安在二字寫穎意中旁皇奔赴之情從

上句連讀

一柱觀望鄉臺注見成都詩內

諸姑今海畔兩弟亦山東去傍干戈覓來看

平聲

道路

通短衣防戰地匹馬逐秋風莫作俱流落長瞻碣石鴻

未章冀其去而復來

穎赴齊州故并想諸姑兩弟去

傍干戈冒險可慮來看道路後會難期五六承去七八

承來

碣石在山東鴻雁比兄弟

公范陽盧氏墓誌

審言之女薛氏所出者適魏上瑜裴榮期盧正均皆前

卒盧氏所出者一適京兆王佑一適會稽賀瑒兩弟
謂豐與觀國策趙武靈王好戎服士皆短衣淮南

子遇歸雁於碣石前

漢黥布傳自戰其地

嚴鄭公塔下新松

得雷字 鶴注此
廣德二年秋作

弱質豈自負移根方爾瞻細聲侵一作玉帳疎翠近珠

聞

簾未見紫烟集虛蒙清露霑何當一百丈歌蓋擁高簷

全首詠松俱屬寓意一二新松三四塔下五六新松七
八塔下 杜臆松竹二首各於結語微露本意自負不

淺 玉帳本兵家壓勝方位此言松聲侵於卧榻耳因
在軍中故云玉帳詳見前 梁武帝詩瑤臺含碧霧羅

幕生紫烟紫烟蓋指紫禁而言 梁簡
文帝相宮寺碑銘高簷三丈連閣四周

嚴鄭公宅同詠竹

得香字 鶴注此
廣德二年秋作

綠竹半含籜新梢纔出牆色侵書帙晚陰過酒樽涼雨

洗娟娟淨風吹細細香但令

平聲

無剪伐會見拂雲長

新梢

二字全詩之眼色侵陰過靜時景也而洗風吹動時景也末則欲加保護言外託諷 沈約詩弱草半抽黃首

句意本此

謝靈運詩初

篁包綠籜

詩勿剪勿伐

楊慎曰竹亦有香人罕知之杜詩雨洗涓涓淨風吹細細香李賀詩竹香滿幽寂粉節塗生翠皆善於體物

晚秋陪嚴鄭公摩訶池泛舟

得溪字 鶴注此廣德二年秋作 元和

郡國志摩訶池在州城西通鑑注成都記云摩訶池在張儀子城內隋蜀王秀取土築廣子城因為池有一僧見之曰摩訶宮毗羅蓋胡僧謂摩訶為大宮毗羅為龍謂此池廣大有龍因名摩訶池或曰蕭摩訶所開非也池今在成都縣東南十二

湍駛

一作駛

風醒酒船回

一作行

霧起隄高城秋自落雜樹

晚相迷坐觸鴛鴦起巢傾翡翠低莫須驚白鷺為伴宿

青

一作清

溪

首聯泛舟次聯晚秋五六池上所感

湍急流也駛迅疾貌秋自落承風

晚相迷承霧船行近鳥故見或起或低鷺伴青溪不欲久居幕府矣杜臆湍駛風醒酒高城秋自落出語皆奇謝靈運詩浩浩夕流駛謝朓詩所眠起雜樹巢傾謂樹巢下垂

奉觀嚴鄭公廳事岷山沱江畫圖十韻

得忘字
鶴注此廣

德二年作
杜臆題加奉觀致敬嚴
公至此安得有登林笑傲之失乎

沱水臨

一作流

中座岷山到

一作對俗
本作赴

北

一作此

堂白波吹

一作侵

粉壁青嶂插雕梁直訝松杉冷蕪疑菱苒香雪雲

虛點綴沙草得微茫

此並提江山敘出廳事畫圖
波青嶂松杉菱苒雪雲沙草句句

山水對言下節亦然

寔字記沱水在成都府新繁縣

蜀都賦金壘中坐

書岷山導江東別為沱唐地志

茂州汶山縣有岷山

鮑照詩忽過北堂陸莊子白

波若山

張正見詩粉壁麗椒塗沈約詩峻嶒起青

嶂

陰鏗詩雕梁畫早梅劉歆甘泉賦芙蓉菡萏菱

苒蘋紫

西京雜記雪雲曰同雲晉書謝韶傳夜月

明淨王道子嘆以為佳謝重曰不如微雲點綴
孔稚圭詩沙草不常青 陳子昂詩高丘正微茫 嶺雁

隨毫末川蛺蝶飲練光霏紅洲藥亂拂黛石蘿長谷暗一作

暗一作非闕雨楓丹一作不為聲霜秋城一作玄圃外景物

洞庭旁此分頂山水曲盡畫中景物 寫出或遠或近

毫末謂畫筆練光謂畫絹非闕雨墨氣也不為霜朱

色也晉江通詩鳴雁薄雲嶺 道德經合抱之木生

於毫末隋王胄詩殘虹低飲澗 謝朓詩發萼初擢

紫餘采尚霏紅沈佺期詩拂黛隨時廣 江淹詩石

蘿日上尋宋之問詩谷暗千旗出 沈佺期詩暗谷疑

風雨謝靈運詩晚霜楓葉丹 江總詩秋城韻晚笛

淮南子崑崙玄圃唯絕通天楚辭朝發於蒼梧兮夕

余至乎玄圃 王臺卿詩景物共依遲 楚辭洞庭波

欽定四庫全書

方木
葉落
繪事功殊絕幽襟興
去
激昂從來謝太傅丘壑道

難忘

末乃觀畫而頌嚴公

公

因畫圖中江山而想見謝

公丘壑比意貼切

此章前二段各八句後段四

句收

繪事出論語考工記凡績畫之事後素功

修書聖賢卓犖固所以殊絕凡庸也

王勃詩桂宇幽

襟積

揚雄解嘲激昂萬乘之主

晉書謝

安放情丘壑雖受朝寄東山之志始末不渝

楊萬里曰杜集排律多矣獨此瓊枝寸寸是王桺檀

片片皆香然排律僅可止此至五十韻百韻則非古

矣王嗣奭曰此詩是唐人詠畫格調而遺詞工緻

娓娓不窮他人無復措手處末拈限韻亦自穩稱

胡夏客曰起聯莊重接聯精警收語穩足此最入格

之篇按昔人論此詩為宋人詠畫之祖但其分寫

山水亦有所本謝靈運過始寧墅詩中十句云剖竹

守滄海枉帆過舊山山行窮登頓水沙盡洄沿巖峭

嶺桐疊洲紫渚連綿白雲抱幽石綠篠媚清連葦宇
臨廻江築觀基層顛此亦一山一水對言然杜用以
詠畫更較詳
細精工耳

過故斛斯校書莊二首

原注老儒艱難病於庸蜀
歎其歿後方授一官英華

注斛斯名融鶴曰斛斯即斛斯六乃草堂
之隣公所謂酒伴者此當是廣德二年作

此老已云歿隣人嗟

一作嘆

未

一作亦

休竟無宣室召徒有

茂陵求妻子寄他食園林非昔遊空餘

一作堂

總帷在浙

浙野風秋

首章痛校書身亡而慨山莊之閒寂在四句
分截隣人尚嗟則平日為人可知宣室召生

前不遇茂陵求歿後授官黃注玩妻子寄食句知此
莊特空舍隣人盡代守園林者漢書賈誼自長沙徵

見文帝方受釐宣室間以鬼神之本蘇林曰宣室未央
前正室司馬相如傳家居茂陵病甚武帝使所忠往

求其書至則相如已死問其妻得遺札書言封禪事

左傳民食於他陶潛詩靜念園林好總細布而疎

者以總為靈帳也陸機弔魏武文悼總帳之冥漠

謝惠連詩浙浙振條風江淹詩寥戾野風急

燕入非傍舍鷗歸祇故池斷橋無復扶又切板卧柳自生

枝遂有山陽作多慚鮑叔知素交零落盡白首淚雙垂

次章對舊莊荒涼而傷故交之凋謝亦四句分截上

半觸景陽人步步咨嗟處處悲感山陽作應前園林慚

鮑叔應前妻子素交盡而老淚垂哀人亦復自哀矣

漢書高帝紀上從旁舍來謝靈運詩故池不更穿

漢五行志上林苑中大柳樹仆地一朝起立生枝葉庾

信詩春柳卧生枝黃注遂字有意見相去一年而斛

斯遂亡也 晉書向秀經嵇康山陽舊居作思舊賦
史記管仲曰生我者父母知我者鮑子也 劉孝標絕
交論斯賢達之素交厯萬古而
一遇 謝朓詩零落悲友朋

黃生曰二詩借古敘事處見筆之老寫景寓
情處見筆之靈二種筆法俱難到況兼之乎

懷舊

蘇源明卒於廣德二年此詩追憶舊交也黃
鵬編在永泰元年 源明舊為司業後為秘

書少監新史云雅善杜甫故詩言情親
也 原注公前名預避御諱改名源明

地下蘇司業情親獨有君那因喪

去聲一作哀

亂後便有一

云

更作死生分老罷知明鏡歸來望白雲自從失辭伯不復

扶人更論

平文

上四悼蘇之亡下四自傷失侶 對鏡
而知身老望雲而想故人說得身世悽

然杜詩有用字犯重者漢使徒空到徒下不當用空
字不復更論文復下不當用更字傅玄挽歌地下無
滿期鮑照詩惆悵憶情親顧注望白雲用淵明停
雲思友意鍾子期死伯牙不復鼓琴末句之意亦然
論衡文
詞之伯

哭台州鄭司戶蘇少

去監鶴注蘇鄭同是廣德二
年卒詳見八哀詩注

故舊誰憐我平生鄭與蘇存亡不重

平聲見喪亂獨前

途

總敘生死交情次句點鄭蘇語似稍
率故人不復見者因遭亂而分離也

豪俊何人

一作

誰人在文章掃地無羈遊萬里濶凶問一年俱白首

一作

中原上清秋大海隅夜臺當北斗泉路宵

海鹽劉氏本
作宵一作著

東吳得罪台州去時危棄碩儒移官蓬閣後穀貴歿潛

夫流慟嗟何及銜冤有是夫

音扶 此傷其死後承存亡不重見一句 山問一

年俱謂鄭蘇先後繼亡

遠注北斗蓬閣承中原指蘇

東吳台州承海隅指鄭

胡夏客曰此云移官蓬閣後

穀貴歿潛夫八哀詩咏蘇

源明云長安朱萬錢凋喪盡

餘喘則蘇死果以飢歟

任昉策文衣冠禮樂掃地無

餘魏志蜀黃權軍敗降魏蜀先主山問至羣臣咸賀

唯權獨否陸雲傳山問卒至痛心摧剥 阮瑀云冥冥

九泉室漫漫長夜臺釋智愷詩泉路方幽噎寒隴向

淒清左思詩志若無東吳 鶴注廣德二年斗米千

錢故云穀貴抱朴子洽聞之碩儒 王符著潛夫論

傷心賦對玄經而流慟詩何嗟及矣 唐韋嗣立

論刑法四海銜冤作對

有是夫用經語道消詩發興 去心息酒為徒許與

才雖薄追隨跡未拘班揚名甚盛嵇阮逸相須會取君

臣合寧詮品命殊賢良不必展廊廟偶然超勝決風塵

際功安造化鑪從

七客切

容詢

一作拘

舊學慘澹閱陰符

此憶

其生前承故舊誰憐我二句

許與承詩追隨承酒二句

自謂班揚承詩嵇阮承酒二句鄭蘇會取四句言天

寶之際鄭蘇俱仕而未久勝決四句言肅宗復國蘇為

少監鄭遭貶斥也詮論也品命殊位卑也詢舊學蘇

昔為太子諭德後又除秘書少監也閱陰符鄭常著天

寶軍防錄坐私撰國史謫官其談兵之書秘不能出也

杜臆公前詩云痛飲聊自遣放歌破愁絕此云道消

詩發興心息酒為徒皆道本色高人所益於詩酒如此

易言君子道憂劉向傳言君子道消鄭食其傳吾

高陽酒徒也班固揚雄作賦擅名嵇康阮籍嗜酒彈

琴 蒲岳詩器非廊廟姿 漢書決勝千里之外 莊
子以天地為大壙造化為大冶 說命台小子舊學於
甘盤 戰國策蘇秦遊說六國不過而返乃夜發書得
大公陰符之謀而頌之唐書兵書類有周書陰符九卷
擺落嫌疑久哀傷志力輸俗依綿谷異客對雪山孤童

稚思諸子交朋列友于情乖清酒送望絕撫墳呼瘧病

一作 餐巴水瘡痍老蜀都飄零迷哭處天地日榛蕪 此身

經喪亂而遙哭鄭蘇也 上四謂棄官以來漂流異地

中四數知交別久歿失哀奠下四見身衰友故人世荒

涼也 擺落哀傷舊注仍指鄭蘇按此皆自述之詞公

向遭貶斥本涉嫌疑今則擺落已久特志力日虧為可

傷耳 日在童稚時便思諸子才名鄭蘇年益少長也

列友于郎異姓篤天倫意綿雪巴蜀遍歷東西二川哭

處榛蕪仍應存亡夜亂 此章四句起中二段各十四句末段十二句收 陶潛詩擺落悠悠談 記禮所以

決嫌疑定猶豫 阮籍詩揮涕懷哀傷 榛蕪言道路梗塞

盧世淮曰此詩泣下最多緣兩公與子美莫逆故也
豪俊人誰在文章掃地無羈遊萬里濶凶問一年俱
二十字抵一篇大祭文結云飄零迷哭處天地日榛
蕪蒼蒼茫茫有何地置老夫之意想詩成時熱淚一
湧而出不復論行點
矣是以謂之哭也

苔溪漁隱叢話律詩有扇對格第一與第三句對第
二與第四句對此詩得罪台州去四句是也東坡和
鬱孤臺詩邂逅陪車馬尋芳謝朓洲
淒涼望鄉國得句仲宣樓亦用此格

別唐十五誠因寄禮部賈侍郎

鶴曰此廣德二年
作 舊書賈至傳

寶應二年為尚書右丞廣德二年轉禮部侍郎又
云廣德二年九月尚書左丞楊綰知東京選禮部
侍郎賈至知東京舉兩都分舉選自至始張遠
注時唐十五必往東都赴舉公故寄詩為之先容
也

九載

上聲

一相見

一作逢

百年能幾何復

扶又切

為萬里別送

子山之阿白鶴久同林潛魚本同河未知棲集期衰老

強

區兩切

高歌罷兩悽惻六龍忽蹉跎相視髮皓白況

難駐羲和

首敘惜別之情

上四另提感聚散不常中四承萬里復別傷之也下四承百年幾何勉

之也

九載一見自乾元二年至廣德二年也潘岳懷舊賦今九載而來歸古詩百年能幾何會少別離多

梁元帝詩寧為萬里別
李陵錄別詩送子洪水陽
楚辭若有人兮山之阿爾雅大陵曰阿
相鶴經鶴

千六百年形定而色白
詩有鶴在林陸機詩出自幽
谷及爾同林
曹植詩潛魚躍清波
謝靈運詩棲集

建薄質
鮑照詩零落就衰老
宋玉舞賦抗音高歌
張正見詩歌罷咏新詩
潘岳寡婦賦心摧傷以懷

惻
楚辭維六龍於扶桑
阮籍詩白日忽蹉跎
左
傳公子宋與子家相視而笑
留侯世家四人鬚著皓

白
阮籍詩
願攬羲和轡
胡星墜燕
平聲
地漢將
去聲
仍橫戈蕭條四海

內人少豺虎多少人慎莫投多虎信所過
平聲
飢有易子

食獸猶畏虞羅子負經濟才天門鬱嵯峨
飄飄
一作
適

東周來往若
一作
崩波
次記行路之難
唐往東都故
亂後荒涼胡星指史朝義漢

將指僕固懷恩人少死於兵賦虎多餘寇未平畏虞羅
民飢捕獸也天門謂君門東周謂洛陽唐孟莊曰子
負經濟四語敎其淪落為賈先容地史記天官書昂
曰龍頭湖星也江淹書飛霜擊於燕地唐書廣德
元年正月史朝義縊死於幽州醫巫閭祠下傳首京師
又云廣德元年九月懷恩拒命於汾州其子瑒進攻
榆次未幾為帳下所殺懷恩遂渡河北走靈武張正
見詩胡兵屯蘆北漢將起山西呂氏春秋行人燭免
胄橫戈而進張載詩盜賊如豺虎信所謂經過
方信左傳易子而食析骸而爨禮記有虞人有大
羅氏掌田獵之事者趙曰漢官儀泰山東上七十里
至天門潘岳詩崇芒鬱嵯峨楚辭注嵯峨高貌孔
融詩飄飄安所依戰國策注西周王城今河南東周
成周今洛陽史記索隱西周河南也東周鞏也鮑照
詩客行惜日月
崩波不可留

南宮吾故人白馬金盤陀雄筆映千古

見賢心靡

一作匪

他念子善師事歲寒守舊柯為

去聲

我謝

賈公病肺卧江沱

末結寄賈之意

惟賈能好賢故唐

此章前二段各十二句末段八句收

杜田正謬漢建

尚書百官府曰南宮蓋取象天官書南宮朱鳥猶唐以

中書省為紫微尚書省為文昌之類後漢書鄭弘為尚

書令前後所陳補並王政者著之南宮以為故事考禮

部之名起於江左而南宮自漢有之蓋南宮猶言南省

舊注專謂禮部非也鶴曰唐職林云舊說禮部郎中掌

省中文翰謂之南宮舍人故定功謂南宮猶南省

項羽紀若非吾故人乎

夢弼注賈逵為禮部侍郎常

乘白馬故於賈至亦云

金盤陀馬鞍也注見三卷

詩之子元靡他

史記韓信得廣武君師事之又南史

孔休源人倫儀表當師事之

潘岳詩不見山下松隆

冬不易故不見澗底柏歲寒守一度

史記伍子胥曰

為我謝申包胥 卧江沱公自謂
詩江有沱毛萇曰沱江之別者

初冬

鴈注此廣德二年冬在幕府時作

垂老戎衣窄歸休寒色

一作氣

深漁舟上

上聲

急水獵火著

涉畧切

高林日有習池醉愁來梁父

音甫

吟干戈未偃息出

處遂何心

此暫歸草堂而作也首聯雙提三四承次句言歸溪冬景五六承首句言在幕情事

末句出處二字總綰

黃注白首老人戎衣趨府寫出

堪發人笑亦見自慚之意漁獵亦常事描急字高字便

有意致干戈未息是年十月武攻吐蕃鹽川城遂何

心出處而未遂也

蔡邕房楨碑享年垂老黃注幕

官以戎服從事當用兵之際也又云朝士無戎服知在

朝亦間用之隋蘇子卿詩鋒劍但須利戎衣不畏窄

張潛注歸休謂歸溪休沐 杜臆著少炎起也猶俗云
火著 鮑照詩長霧高林 習池醉梁父吟注見十三

卷 陸機詩
出處鮮為諧

觀李固請司馬弟

一作題

山水圖三首

李固當是蜀人其弟曾為

司馬能寫山水圖公至固家固掛其圖於
壁而請公題之也黃鶴編在廣德二年

簡易

去聲一作
作易簡

高人意

一作體

匡牀竹火爐寒天留遠客碧

海挂新圖雖對連山好貪看

平聲

絕島孤羣仙不愁思

去聲

冉冉下

去聲

蓬壺

首章觀

李氏山水圖

上四款事下四

詠畫 高手指李遠客自謂掛碧海之

新圖此倒裝句連山中有絕島即蓬壺也 杜臆自己
有愁忽想到羣仙之不愁真得味外之味 劉向傳向

為人簡易無威儀庶靜樂道不交接世俗
莊子麗姬與晉公同匡牀而食芻豢匡牀安牀也
張衡同聲歌思為莞弱席在下蔽匡牀
徐陵詩紺席下羣仙

方丈渾

平聲

連水天台總映雲人間長見畫老去

一云身老

恨

空聞范蠡舟偏

一作偏舟

小王喬鶴不羣此生隨萬物何處

出塵氛

次章蔡言山水人物地見人物又歎不能離俗

見山水恨不能親至其

一景一情謂之虛實相間格

趙次公曰圖必兼畫舟

鶴故引范蠡王喬為證杜臆隨物與出塵此仙凡之

別也

天台賦涉海則有方丈蓬萊登陸則有四明天

台

陸機董逃行但為老去年道范蠡乘扁舟泛五

湖

天台賦王喬控鶴以冲天王洙

曰隨萬物即莊子所謂與物轉徙也

高浪垂翻屋崩崖欲壓牀野橋

一作樓

分子細沙岸繞微

茫紅浸珊瑚短青懸薜荔長浮查並坐得

一作相並坐

仙老

暫相將

末章詳敘山水景物

高浪崩崖言山水絕險

而青俱分配山水

杜臆起勢突兀雄偉中四皆就細

微處形容畫家妙品未觀仙查而望其接引與前二章

結語相同而出之變幻不拘

郭璞詩高浪駕蓬萊

子細出源思禮傳見六卷拾遺記堯時有巨查浮於

西海其上有光若星月常繞西海十二年一周名貫月

查又名挂星查羽人棲息其上謝惠連詩並坐相招

邀梁簡文帝詩相將渡

江口潛注相將相攜也

至後

鶴注此當是廣德二年冬在嚴武幕中作

冬至至後日初長遠在劍南思洛陽青袍白馬有何意

金谷銅駝非故鄉梅花欲開不自覺棣萼一別永相望

平聲愁極本憑詩遣興去聲詩成吟咏轉淒涼在劍思洛領起三四下乃

至後景情青袍白馬劍南幕府也金谷銅駝洛陽遭

亂矣因梅花而念棣萼總是觸物傷懷此詩青袍白

馬與洗兵行所引侯景傳不同朱注以公詩青袍也自

公歸來散馬蹄為證皆指幕府言曰有何意言志不得

自展也舊注以青袍白馬比安史則有何意三字却說

不去矣周禮冬至日在牽牛影長一丈三尺庾信

哀江南賦青袍如草白馬如練東漢張湛傳帝見湛

輒言白馬生且又諫矣邵注金谷園銅駝陌皆洛陽

勝地石崇金谷詩序余別廬在河南縣界金谷澗水經

注金谷水出河南太白金谷謂之金谷水

欽定四庫全書

卷十四

經石崇故店

陸機洛陽記漢鑄銅駝二枚在宮南四

會道頭夾路相對華延雋洛陽記兩銅駝在宮之南街

東西相向高九尺洛陽謂之銅駝陌蔡琰茄曲故鄉

隔兮音塵絕詩棠棣之華鄂不韡韡棣萼以比兄弟

也嵇康琴賦

吟咏以適志

朱瀚曰此詩疑贗作複點至字累墜日初長剝語有

何意可發一笑金谷銅駝正是故鄉但可云風景非

昔耳不自覺冗率竟以棣萼為兄弟亦

是俚習七八如村務止酒薄劣異常

寄賀蘭鈺

前有詩贈別此別後再寄也

當是廣德二年冬末所作

潮音

朝野歡娛後乾坤震蕩中相隨萬里日總作白頭翁

上

歲晚仍分袂江邊更轉蓬勿云俱異域飲啄幾回同

四

亂後相逢之感下四遠方惜別之情從歡娛說至震
蕩公與銛初交於盛時而再逢於亂日也萬里白頭暫
遇途中分袂轉蓬又忽散去矣杜臆今日勿以俱在
異域為悲只此飲啄之緣尚能幾回同事乎語極悽慘
張協詩昔在西京時朝野多歡娛張華詩天地相
震蕩回薄不知窮曹丕書已成老翁但未白頭耳
謝惠連詩分袂澄湖陰朱穆詩與
子異域何承天樂府飲啄雖勤苦

送王侍御往東川放生池祖席

朱注此詩見王原叔本蔡氏編在

夔州詩內今按成都詩有王侍御郁及王侍御契
此或即其人歟詩云衰疾江邊卧應指草堂言放
生池亦當在成都邵注謂在蓬溪縣龍多山誤矣
蔡曰梓州為東川唐肅宗詔天下臨池帶郭
處置放生池凡八十一所顏真卿為碑行
者有祖道之祭祭畢飲於其側謂之祖席

東川詩友合此贈怯輕為况復

扶切

傳宗匠

舊作近

空然

惜別離梅花交近野草色向平池儻憶江邊卧歸期願

早知

上四送王侍御五六池邊春景末乃預訂歸期東川乃詩友會合之地故欲贈詩而怯於輕為况

侍御能詩共傳宗匠徒然作惜別常語亦何為乎當茲冬盡春來之際惟願早歸以慰哀疾此今日送行之意也諸本皆作傳宗近意不可解張遠指放生池以佛家有南北宗也此說牽強邵注作傳踪謂音信相通此亦無據按近字犯重恐是匠字乃字形相似而訛耳公八哀詩云宗匠集精選宗匠二字本素宏書初欲改近為匠尚無確據偶閱詩紀載晉時仙識匠不足慮憂遠危嗎惟訥云匠疑作近今按彼是誤近為匠此則誤匠為近可以互證

正月三日歸溪上有作簡院內諸公

鶴曰當是永泰元年春自

幕府歸浣花溪作

公詩題凡記日者皆涉節候此指立春也故云臘味春聲

野外堂依竹籬邊水向城蟻浮仍臘味鷗泛已春聲藥

許隣人斲書從稚子擎白頭趨幕府深覺負平生

首聯漢前

景趣次聯新正物候三聯歸溪之事末聯簡院之懷顧注臘味酒造於臘月也春聲鷗泛春水而有聲也

鶴注種藥本以濟世故許人斲藏書本以教兒故任子擊老趨幕府不得遂其立朝素志故云深負庾信

詩浮蟻對春開

王嗣爽曰公有分曹失異同之句似與諸公不合而歸此詩毫無芥蒂足占所養其言漢上之樂如鳥脫

籠中自是

東語也

敝廬遣興

去聲

奉寄嚴公

當是永泰元年春自幕府居草堂時作故云幕府瞻

暇日

野水平橋路春沙映竹邨風輕粉蝶喜花暖蜜蜂喧把

酒宜

一作且

深酌題詩好細論

平聲此敝廬遣興臆聞首寫景有通然自得

杜

之趣下文宜字好字正蒙此

府中瞻暇日江上憶詞源跡忝

一作寄

朝

廷舊情依節制尊還思長

子兩切

者輒恐避席為門

此奉寄嚴

公暇日詞源想及嚴公朝舊情依自敘故交未望重過草廬仍致縉紳之意實應元年嚴至浣花溪也此

章上下各六句 陳平傳家貧
以席為門然門外多長者車轍

營屋

鶴注當是永泰元年正月歸溪上時營屋而作也自上元元年營草堂始植竹至是已六

載矣

我有陰江竹能令

平聲

朱夏寒陰通積水內高入浮雲端

首欽屋前之竹陰森高大 賦踐朱夏之炎赫搖輕簾而致涼

甚一作如

疑鬼物憑不

顧剪伐殘東偏若面勢戶牖永可安愛惜已六載上聲茲

晨去千竿蕭蕭見白日洶洶開奔湍

次言伐竹除翳將以營屋竹蔽日疑

憑鬼物施翳伐則通戶牖矣見日開湍此面勢所觀者曹植詩巖析苦崩缺湖水何洶洶

度堂匪華

麗養拙異考槃草茅雖雜葺哀疾方少寬洗音洒然順所

適此足代加餐寂無斤斧響庶遂憩息歡此記營屋可棲身也

堂在近郭故異於考槃洗然四句仲明寬病之故蘿

刈草也葺覆茅也代猶當也此章四句起下兩段各

八句考工記室中度以几堂上度以筵詩考槃在

澗碩人之寬考成也槃樂也潘岳傳吾子洗然恬澹

自補鮮于注

逸若順也

除草

原注去蕪草也蕪音潛山韭詩云藩籬松竹當是草堂詩依朱氏編在永泰元年成都

詩內並部方物贊罽麻自劍以南處處有之或

觸其葉如蜂螫人以溺灌之即解葉有刺葉或青

或紫善治風腫考杜詩當作蕪李實曰蕪葉如苧

麻川人名曰蕪麻毛刺蜚人亦曰蜚麻蜚音蘼

又音釋
毒螫也

草有害於人曾音層何生阻修其毒甚蜂蠆其多彌道周

清晨步前林江色未散憂芒刺在我眼焉於虔切能待高

秋

此言毒草之害 縱注此章遍於道周此惡人充滿當路也 詩道阻且修 左傳臧丈仲曰蜂蠆有毒

而況國乎

詩生於道周

張載詩蕭瑟埽前林

霜露

霍光傳光驂乘上內嚴憚之若有芒刺在背

一作

一霑凝

一作衣

蕙葉亦難留荷

去聲

勸先

去聲

童稚日入

雪

仍討求轉致水中央豈無雙釣舟頑根易

音異

滋蔓敢使

依舊丘

此欲亟除其根 與蘼草美惡無辨矣故去之不可不早先童稚

趙曰待霜至而後除則蕙葉

與蘼草美惡無辨矣故去之不可不早先童稚

身率先也

艇

注此喻屏去小人有不與同中國意

陰鏗詩蕙葉斂欲暝

陶潛詩荷鋤推子倦

詩宛在

水中央

晏殊

曰周禮籒人掌殺草有水火之化

自茲

以釣舟載而置之此水化也

左傳無使滋蔓

自茲

一作

藩籬曠更覺松竹幽艾夷不可闕疾惡信如讎

末

寓言本意

師氏曰小人既去則君子道長如惡草艾

而松竹清也

張艇注柳子厚作捕蛇者說至篇末方

說出詩政猛於虎一句韻用此格也

此章前兩段各

八句後段四句收

庾信詩松竹且悲吟

左傳為國

家者見惡如農夫之務去草焉艾夷蘊崇之絕其本根

勿使能植則善者信矣

後漢書疾惡如風朱伯厚

申涵光曰芒刺在我眼焉能待高秋丰裁凜然除姦

當如鷲鳥擊物少遲則生變矣調停之說誤身誤國

所云霜雪一霑凝蕙草亦難留也頑根易滋蔓敢使

依舊丘去惡務盡三致意焉少陵一生目覩小人之

害故痛恨如此末只一語點破正意多則反淺

春日江邨五首

鶴注此當是永泰元年春歸溪後作公自乾元二年冬入蜀至此已

經六年矣江邨即浣花溪前有長夏江邨事幽之句

農務邨邨急春流岸岸深乾坤萬里眼時序百年心茅

屋還堪賦桃源自可尋艱難昧

陳作昧一作賤一作淺

生理飄泊

到如今

首章敘春日江村有躬耕自給之意杜臆公贈王侍御詩談及農月田家蓋欲耕田以為生

理故見農務春流而起興萬里眼蜀江所見百年心春事又逢賦茅屋草堂託居尋桃源花溪覽勝漂泊到

今故願為老農以資生計也陶潛詩農務各自歸江與詩春流豈難越岸岸深可以溉田也明人莊

定山詩千家小聚村村合萬里河流岸岸同句本於杜
但同字較深字覺少遜耳 鮑照詩爭先萬里途各事

百年身 陶詩

茅屋八九間

迢遞來三蜀蹉跎有一作

又

六年客

黃作

身逢故舊發興

去聲 自林泉過懶從衣結頻遊任履穿藩籬頗無限

一作無限

景

恣意向

一作買

江天

次章歸蜀而依嚴武泊來下截仍抱江村

上四象觀故交復鎮

使堪發興且未講到幕府事下兩章方層次敘出杜
臆衣結履穿茅堂自適恣意江天不異桃源矣 左思

蜀都賦三蜀之豪時來時往往注三蜀謂蜀郡廣漢郡犍
為郡也 鮑照詩發興誰與歡 王隱晉書董威輦不

知何許人忽見洛陽止宿白社中拾得殘碎繒輒結為
衣號曰百結衣莊子原憲衣弊履穿滑稽傳齊人東郭

先生貧困飢寒履有上無下行雪中著地處皆足跡
謝莊詩霧罷江天分 一本作買江天句意未穩黃生

主句
字

種竹交加翠栽桃爛熳紅經心石鏡月到面雪山風赤

管隨王命銀章付老翁豈知牙齒落名玷薦賢中

三章
言薦

授郎官之事

上四承江天寫村前近遠之景下四承

發興敘老年錫命之緣

高唐賦交加累積重疊增益

劉孝綽詩堂皇更隱暎松淮雜蕪加

世說為是塵務

經心 漢官儀尚書令僕丞郎月給赤管大筆一雙椽

題曰北宮著作 漢百官表凡吏秩比二千石以上皆

銀印青綬師氏曰漢舊儀云銀印背龜紐具文曰章刻

曰某官之章顧注唐時無賜印者公時已賜緋因其有
隨身魚袋而言耳 東方朔答客難屑腐齒落服膺而

不釋陳平傳吾聞薦賢蒙上賞非魏無知無以至此甫本傳嚴武表為參謀檢較工部員外郎

扶病垂朱紱歸休步紫苔郊扉存一作晚計幕府愧羣

材燕外晴絲卷鷗邊水葉開鄰家送魚鼈問我數音能

來

四章言辭還幕僚之故上四承薦賢來下四又應江村郊扉頂歸休幕府頂扶病燕外以下言景物

甚娛而人情相習所謂歸休晚計也公不耐拘束而

辭幕職曰扶病託詞也曰愧羣材謙詞也前漢韋賢

傳黼衣朱紱洙曰紱古蔽膝也象冕服以韋為之漢

武帝詔思得歸休沈約詩客位紫苔生顏延之詩

側同幽人居郊扉畫常掩杜臆存晚計言將終老於

此阮籍詩浴鵑開水葉戲蝶避風絲新序出訟隣

家記水潦降不獻魚鼈問

而數來不特饋物又致殷勤也

羣盜哀王粲中年召賈生登樓初有作前席竟為榮宅

入先賢傳

去聲

才高處

上聲

士名異時懷二子春日復

扶切

又

舍情

未章借古人以自況是江村感懷賈乃生前事五六合承王賈乃身後事末句有竊

三四分頂王

此前人意

公避亂蜀中作詩言志甚有類於王粲而

老授郎官未蒙見召歎不得為賈生至於卜宅花溪留

名後世則自信古今同調矣

王賈各有舊宅各負才

名故兩句當合承曰處士名者謂才名高出於處士非

指二子為處士結點春日仍與首章遙應

哀王粲動

王粲之哀也首句倒裝王粲七哀詩西京亂無象豺虎

方遘患注豺虎喻羣盜也

王粲避亂客荊州思歸作

登樓賦

潘岳夏侯湛誄中年隕卒

前漢書賈誼洛

陽人文帝召為博士時年二十餘後為長沙王太傅歲

餘帝思誼徵之坐宣室問鬼神之事至夜半文帝前席

古書有汝南先賢傳楚國先賢傳 朱注西征賦賈
誼洛陽之才子魏志蔡邕見王粲謂坐客曰此王公孫
有異才 史記孫叔敖楚之處士也 漢食貨志異時
算軺車司馬相如傳異時嘗通為郡縣矣顏注異時猶
言往時 王粲
詩含情欲待誰

趙汭曰此五詩首尾開闔始終相承皆有意義所謂
憂中有樂而樂中有憂者也 王嗣奭曰五首如一
篇文字前四首一氣連環不
斷至末章總發心事作結

長吟

朱注此係逸詩收在下園本者亦見吳若黃
鶴本 按杜牧云此詩已撥形骸累真為爛

爛深乃初辭幕府之作樓鑰謂束縛酬知已形骸
之累已極到此始得爛爛長吟耳今編在永泰元
年之春 應瑒
詩永思長吟

江渚翻鷗戲官橋帶柳陰花飛競渡日草見

音現

踏青

一作

春心已撥形骸累真為爛

深賦詩新

一作歌

句穩不覺

一作免

自長吟

上四春郊佳景下乃對景怡情字句中著眼競渡在江渚踏青在柳陰皆

翻字帶

一水一岸對言撥形骸謂身世兩忘爛熳深謂恣情游

玩顧注公詩云晚節漸於詩律細非細不能穩也可

見語不驚人死不休尚帶少年意氣胡夏客曰詩句已穩猶自長吟比他人草草成篇輒高歌鳴得意者相

去懸絕抱朴子屈原沒汨羅之日人並命舟楫以迎之至今以為競渡或以水車謂之飛鳧亦曰水馬一州

士庶悉觀臨之荆楚歲時記屈原以五日死於汨羅人以舟楫之競渡是其遺俗唐人以中和節為戲踏青

心有兩說一云足踏青草之心一云人有踏青之心前說為近竇氏壺中贊錄蜀中風俗舊以二月二十為踏

青節踏青又見舊唐書代宗紀隋
煬帝望江南曲踏青闌草事青春

春遠

鵲注此是永泰元年春在浣花
溪作 顧注春遠猶言春深也

肅肅花絮晚菲菲紅素輕日長惟鳥雀春遠獨柴荆數

音朔

有闕中亂何曾

音層

劍外清故鄉

一作園

歸不得地入亞

夫營

上四暮春之景下四春日感懷
菲菲落貌黃注紅素乃地下花絮

吳論肅肅落聲
顧注惟鳥雀

見過客之稀獨柴扉見村居之僻 闕中數亂謂吐蕃
黨項入寇劍外未清謂吐蕃近在西山故鄉尚有軍營
則欲歸不得矣 花絮指桃柳 唐書廣德二年十月
僕固懷恩誘吐蕃回紇入寇十一月吐蕃遁去永泰元
年二月黨項寇富平鶴注富平屬京兆府 顧注周亞
夫營在昆明池南今桃市是也時郭子儀屯兵涇原為

吐蕃請
盟之故

黃生曰：寫有景之景，詩人類能之；寫無景之景，惟杜獨擅場。此詩上半當想其虛中取意之妙。

絕句三首

單氏編在永泰元年成都詩內。鮑氏曰：謝克莊任伯云：此詩得于慎文肅家。故

書中猶是吳越錢氏時人所傳，格律高妙，其為少陵無疑。詩說：雋永，謂晁氏得吳越人寫本杜詩。

如日出東籬，永六首乃九章其一云：漫道春來好。云云。今按前六首當另為一處，不必併合。

聞道

去聲

巴山裏春船正好行

趙作

都將百年興一望

去聲

九江城

趙作山

首章欲往荆楚而作

杜

臆

九

江

在

洞

庭

詳見九江落日註

水檻溫江口茅堂石筍西移船先主廟洗藥浣花

一作沙

溪

次章見成都形勝而仍事遊覽也

地志溫江

謾

一作設

道

去聲

春來好狂風太放顛吹

一作飛

花隨水去翻

却釣魚船

末章見春江風急數不得速行也杜臆三首一氣轉下

三韻三篇

鶴注此當是永泰元年作時代宗信任元載魚朝恩而士之變節者爭出其門

二人在廣德永泰間其權特盛詳玩末章其意顯然矣

高馬勿捶

一作唾

面長魚無損鱗辱馬馬毛焦困魚魚有

神君看

平聲

磊落士不肯易其身

此見士有不可奪之志此而無賦申涵光曰

三韻三篇甚古悍馬病變色也

雷雨大作鯉魚空中飛去是其神也

蕩蕩萬斛船影若揚

一作挂

白虹起橋必推牛挂席集衆

功自非風動天莫置大水中

此見大才不可以小用全屬此體 顏氏家訓昔在

江南不信有千人糧帳及來河北不信有二萬斛船趙曰推牛所以享衆古歌推牛煮猪羊 謝靈運詩挂

席拾海月 鮑照

舞鶴賦其風動天

烈

一作列

士惡

鳥故切

多門小人自同調

去聲

名利苟可取殺

身傍

去聲

權要何當官曹清爾輩堪一笑

此為當時趨炎附勢者發語多

諷刺 同調

左傳晉政多門 世說云王緒王國實相為脣齒上下權要

謝靈運詩異代可

天邊行

詩成後拈首二字為題 鶴注此是永泰元年成都作自天寶十四載至此已恰十

載唐五行志永泰元年

三月辛亥大風拔木

天邊老人歸未得

叶都木切

日暮東臨大江哭隴右河源不

種田胡騎

去聲

羌兵入巴蜀洪濤滔天風拔木前飛禿鵝

後鴻

一作黃

鵠九度附書向洛陽十年骨肉無消息

叶蘇六切

此詩為久客思鄉而作也

隴右二句天邊憂亂洪

濤四句欲歸未得皆申明臨江哭泣之故

趙曰廣德

元年吐蕃陷隴右而河源不種矣十二月陷松維保三

州則入於巴蜀矣鵠曰胡騎指吐蕃羌兵指党項羌

渾奴刺之類王洙曰洪濤滔天言民罹昏墊禿鵝鴻

鵠欲與偕飛而不能也鶴注骨肉指弟在東都何

遜詩天邊看遠樹班固兩京賦西邊河源

書浩浩滔天史記項羽圍漢王大風拔木

莫相疑行

詩成後拈末三字為題 黃氏編在永泰元年舊說指嚴武鶴斥其非謂公與

郭英又不合去成都而作英又帥蜀時年方三十餘也單注云此與後詩必有為而作今不知其所指

男兒生無所

樊作一生無

成頭皓白牙齒欲落真可惜憶獻

三賦蓬萊宮自怪一日聲烜

荆作烜一作輝一作蟬

赫集賢學士

如堵牆觀我落筆中書堂往時文采動人主此

文粹作今日

飢寒趨路旁晚將末契託年少

去聲天粹作末節契年少

當面輸

一作

論心背面笑寄謝悠悠世上兒不

一作莫

爭好惡

並去聲莫

相疑

此詩為少年輕薄而作也

上六暮景而追往事

悲愴自怪句從失意中忽作驚人語當面輸心背面笑
視天下朋友皆膠漆人情風俗可想見矣 盧注輸心
文采竊笑飢寒此輩好惡無常老翁漠然不與之爭彼
亦何用相疑哉末二句蓋開誠以示之也 李陵書男
兒無所成名 王洙曰開元十三年改集仙殿為集賢
殿麗正殿書院為集賢殿書院內五品以上為學士
六品以上為直學士 記孔子射於矍相之圃觀者如
堵墻 李華中書政事堂記武德以來於門下省議事
謂之政事堂高宗光宅元年裴炎自侍中除中書令執
宰相筆乃遷政事堂於中書省 本傳甫獻三大禮賦
帝奇之使待制集賢院 命宰相試文章 陸機數
遊賦託末契於後生 抱朴子不面從而背憎

黃生曰公以白頭趨幕不免為同列少年所侮故一
則云晚將末契託年少當面輸心背面笑一則云老

翁慎莫怪少年葛亮貴和書有篇合二作觀之顯是
幕中所賦從未經人拈出胡夏客曰往時文彩動
人主此日飢寒趨路旁雖懷抱如斯亦品地有失凡
詩必說憂君憂國太迂但言愁飢愁寒大卑杜公不
免有此二病今按公之憂君國根於至性愁飢寒出
於真情若欲避此而泛言景物反非本來面目宣子
之說未為少陵知音

赤霄行

詩成後拈中間赤霄為題此與莫相疑行同是永泰元年作

鶴曰

孔雀未知牛有角

蔡叶音谷杜臆音六

渴飲寒泉逢魺觸赤霄玄

圃須往來翠尾金花不辭辱江中淘河嚇

音嚇又音嚇

飛燕

銜泥却落羞華屋皇孫猶曾

音層

蓮勺困衛

朱云當作鮑

莊見

貶傷其足老翁慎莫怪少去聲年葛亮貴和書有篇丈夫

垂名動萬年記憶細故非高賢

此詩亦慨數世情之意孔雀飛燕借鳥自喻

皇孫鮑莊引古自方未見自負者大故犯而不按依兩韻分兩段孔雀被觸一事四句飛燕見嚇一事兩句

皇孫鮑莊一事一句文法錯綜入古杜鰲名垂萬年寧記細故此申明不爭好惡之意申涵光曰赤霄行

胸中有一段說不出之苦故篇中皆作借形語博物志孔雀尾多變色或紅或黃如雲霞無定人採其尾有

金翠始生三年尚小五年而後成初春乃生四月後凋與花葉俱榮哀嶺南異物志交趾郡人網捕孔雀採其

金翠尾裝為扇拂或全抹生截其尾為方物云生取則金翠之色不減晉左九嬪孔雀賦擢翠尾之修莖金

花尾上之色易寒泉之食文子兕牛之動以抵觸楚辭載赤霄而凌太清玄圃在崑崙山上爾雅

鵜鵜注今之鵜鵜也好羣飛入水食魚故名鵜鵜俗

呼為淘河莊子鵠得腐鼠鵠雖過之仰而視之曰嚇

注嚇怒而拒物聲趙曰燕從江上來淘河疑其銜魚故

嚇之古詩生存華屋處漢宣帝紀帝初為皇曾孫

喜游俠常因於蓮勺國中如淳曰為人所困辱也蓮勺

縣有鹽池縱廣十餘里鄉人名為國中蓮音輦左傳

齊國子相靈公以會高鮑處守及還孟子愬之曰高鮑

將不納君秋則鮑牽而逐高無咎仲尼曰鮑莊子之智

不如葵葵猶能銜其足注葵傾葉向日以蔽其根諸

葛亮傳陳壽所上諸葛亮集目錄凡二十四篇貴和第

十一漢文帝紀捐細故注小事也

阮籍咏懷細故何足慮高慶跨一世

聞高常侍亡

唐書廣德元年適召還為刑部侍郎轉左散騎常侍永泰元年正月卒贈

禮部尚書鶴注詩云蜀使忽傳亡當是永泰元年成都作原注謂忠州所作非不應正月己卒六月

始聞也

歸朝

潮音

不相見蜀使去

聲

忽傳亡虛歷金華省何殊地下

郎致君丹檻折哭友白雲長獨步詩名在祇令

平聲

故舊

傷

此詩將生前死後逐句配說其歸朝歷省乃為常侍時事若折檻詩名則概論生平才節也上下界限仍

見分明

不相見不得面別也

虛歷二句言生雖未展

死實不亡

唐史稱適負氣敢言權貴側目當至德時

陳江東利害繼又抗疏陳西山三城戍故云致君丹檻

折庾信詩蜀使何時迴

王洙曰後漢班固傳玉鳳

薦班伯召見宴暱誦說有法拜為中常侍時上方嚮學

鄭寬中張禹朝夕入說尚書論語於金華殿中詔伯受

焉漢宮闕記金華殿在未央宮白虎殿右秘府圖書皆

在焉故王思遠避侍中表云奏事金華之上進議玉臺

之下 王隱晉書蘇韶仕中年令卒韶伯父承第九子
節夜夢見韶言願回卜商今現在為修文郎修文郎凡
八人鬼之聖者項梁成賢者吳季子 丹檻用朱雲上
書事白雲用陶潛停雲思友意 曹植詩仲宣獨步於

漢南

去蜀

題曰去蜀是臨去成都而作也公自乾元二
年季冬來蜀至永泰元年首尾凡七年其實

止六年耳所謂五載客蜀者上元元年上元二年
寶應元年廣德二年永泰元年也一年居梓者專
指廣德元年也此詩作於永泰元年夏將往戎渝
之時黃鵠編在廣德二年閬州詩內恐未然今從
蔡氏
編次

五載

上聲

客蜀郡一年居梓州如何闕塞阻轉作瀟湘遊

萬

一作世

事已黃髮殘生隨白鷗安危大臣在不一作必

淚長流

上四去蜀之故下四去蜀有感闕塞阻難返長安瀟湘遊將往荆楚也萬事憶從前殘生思

後日大臣指郭子儀黃注國家安危自有大臣負荷杞憂徒抱何補於事唯有拭淚長辭扁舟下峽而已此

反言以自釋之辭也古詩瀟湘逢故人書尚猷詢

茲黃髮鮑照詩翻波揚白鷗呂氏春秋先王之所

以治亂安危也注亂者治之危者安之

喜雨

鶴注史永泰元年自春不雨四月己巳乃雨詩云巢燕林花皆四月間事鮑照有喜雨

詩題

南國旱

一作早

無雨今朝江出雲入空纔漠漠灑迴已紛

紛巢燕高飛盡林花潤色分晚來聲不絕

一作更急

應平得

夜深聞

上四初雨之景下四雨後之景

漠漠雲密貌

紛紛雨多貌燕啄泥故飛花經雨故潤入夜仍

聞喜其汪濊也趙次公曰南國

荆楚也禮記天降時雨山川出雲

北齊劉逖對雨詩云重輪宵犯畢行雨且浮空細落
疑含霧斜飛覺帶風濕槐仍足綠沾桃更上紅無由
似玄豹默意坐山中此摹寫雨
景入細杜詩工力正相敵也

宿青溪驛奉懷張員外十五兄之緒

鶴注當是永泰元年去成

都經嘉州下忠渝時所作

輿地紀勝青溪驛在

嘉州捷為縣

高力士外傳李輔國弄權但經推

按不死則流黔中道尤多員外則張謂張之緒李
宣朱注輔國死於寶應元年十月之緒復官當在

輔國

敗後

漾舟千山內日入泊枉

一作荒

渚我生本飄飄今復

扶又切

在何許石根青楓林猿鳥聚儔侶月明遊子靜畏虎不

得語

此宿溪情景宿於驛前矣

漾舟千山自蜀赴嘉也日入泊渚

杜臆

月明遊子靜五字淒絕

謝靈運詩漾舟陶嘉月

莊子日入而息

楚辭朝發枉渚兮夕宿辰陽王

融詩猿鳥時斷續陸厥詩鳬鵠嘯侍侶

中夜懷友朋乾坤此深阻浩蕩前

後問佳期赴

一作付

荆楚

此懷張員外

時張在荆楚公將往與相會故云前後問黃

生曰此詩在杜集已為輕秀之作較諸唐賢猶見氣骨此章上八句下四句

楚辭志浩蕩而傷懷又與

佳期兮
夕張

狂

一作短

歌行贈四兄

此當是永泰夏去成都之嘉戎時作觀詩言嘉州可見

喜兄弟相見故興至而狂歌胡夏客曰公之諸弟見於詩者不一此所贈四兄又其諸從也

與兄行年校一歲賢者是兄愚者

一作是

弟

一作聲

兄將富

貴等浮雲弟竊

一作切

功名好

去聲

權勢

首敘

兩人性情之異等浮雲見其

賢好權勢見己愚年六十而化

莊子遽伯玉行富貴等浮雲用論語

長安秋雨十日泥

我曹韝

音備

馬聽晨雞公卿朱門未開鎖我曹已到肩相

齊吾兄睡穩方舒膝不襪不巾踏曉日男啼女哭莫我

知身上須繒腹中實

此追敘長安往事
勢下四承等浮雲

上四承好權
說文韉車鞞

也一曰駕於馬曰韉
年為吾兄分為篤友

魏志臧洪傳
老子實其腹

今年思我來嘉州

嘉州酒重

一作香

花繞

一作滿

樓樓頭喫酒樓下卧長歌短

咏

一作歌

迭

一作還
一作遠

相酬四時八節還拘禮女拜弟妻男

拜弟幅巾鞶帶不掛身頭脂足垢何曾

音洗

此又記嘉
州近事

詩酒唱酬見其豪放男女禮拜喜其殷勤脫巾蒙垢摹
其狂態

庾信詩三春冠蓋聚八節管絃遊

後漢鮑

永傳但幅巾詣河內注不著冠但幅巾束首也通典漢
末王公名士以幅巾為雅是以袁紹崔豹之徒雖為將

帥皆著幅巾

易或錫之鞶帶說文鞶大帶也
足垢煇湯請洗南史陰子春身脂垢汚脚數年一洗言

每洗則失財敗事

吾兄吾兄巢許倫一生喜怒長任真日斜枕

去肘寢已熟啾啾唧唧為何

一作人末以贈兄之意作何為結率性任真此

可追此巢許處枕肘熟睡則付人事於罔聞矣此章首尾各四句中二段各八句晉書王導能任真推分

澹如也廣韻啾啾小聲也枚乘賦鎗鎗啾啾蕭條寂寥楚辭鳴玉鸞之啾啾古捉搦歌牕中女子聲啾啾

王嗣奭曰此詩所謂不繩削而自合者狀四兄真有

王民皤皤不識不知氣象奔走風塵者對之汗顏雖

脂垢不洗自然清淨過人黃生曰杜五古力追漢

魏可謂毫髮無憾波瀾老成矣至七古間有頽然自

放工拙互陳者宋人自以其才力所及專取此種為

詩派如偁仄行及此篇入眼頗覺塵氣總為前人嚼

爛耳

宴戎州楊使君東樓

去聲

鶴注唐志戎州本犍為郡與嘉州皆犍為地公以永

泰元年五月去成都之嘉戎詩云輕紅擘荔枝當是其年六月作黃山谷在戎州有食荔枝詩云六月連山柘枝紅可知荔枝熟於六月也元和郡國志戎州古犍國全蜀總志東樓在敘州府治

東北
唐建

勝絕驚身老情忘發興

去聲

奇座從歌妓密樂

音洛

任主人

為重碧拈

歐陽公作拈舊作拈一作拈一作拈

春

一作筒

酒輕紅擘荔枝樓

高欲愁思

去聲

橫笛未休吹

突說驚奇見喜出望外中四宴中景事承發興奇末二樓

上有感應驚身老勝宴而自驚身老惜非少壯也忘老而發興特奇忽逢樂事也兩句輾轉說來意思沈著

坐從妓密寫出年少癡心樂任主為曲盡妖姬媚態
山谷云拈酒擘枝此主人使歌妓為樂也 笛聲無解
於愁思盡哀年漂泊之感終有不能忘情者矣 潘尼
琉璃碗賦榮密坐之曲宴 重碧酒色輕紅荔枝 杜
臆引藝海河酌云敍州官醞名重碧戎州即敍州曹植
七啟蒼梧綠清注綠深碧色 趙曰二千石設筵豈有
酤酒者當從歐公作拈為正元微之元日詩蓋看稚子
先拈酒白樂天歲假詩歲酒先拈辭不得則拈酒乃唐
人語也 蕭子顯詩濃黛輕紅點在色 寰宇記戎州
樊道縣有荔枝園郡國志樊鍾之富多以荔枝為業唐
書戎州土貢荔枝煎白居易荔枝園序殷如紅繒膜如
紫綃韞肉瑩白如冰雪蜀都賦傍挺龍眼側生荔枝趙
曰荔枝雖有數種而膜皆帶粉紅黃山谷山在戎州詩
試傾一杯重碧色快剝千顆輕紅肌皆用此詩語
盧元昌曰公詩中慣用為字作韻脚如贈畢曜曰願
狀老翁為此為字下得苦孟冬詩曰方冬變所為此

為字下得微送王侍御曰此贈怯輕為此為字下得
逸偶題曰餘波綺麗為此為字下得雅復至東屯曰
一學楚人為為此為字下得微和少府書齋曰書齋聞
爾為此為字下得蘊藉此曰樂任主人為此為字下
得跌
宕

渝州候嚴六侍御不到先下

先下並去聲

峽

鶴曰永泰元年公去

成都經嘉戎至此作元和郡國志渝州古之巴國
也開皇元年改為渝州以渝水為名峽明月峽也
在巴縣東八十里杜臆渝州即今重慶府棠字記
渝州其地東至魚復西連楚道北接漢中南極牂
牁

聞道

去聲

乘驄發沙邊待至今不知雲雨散虛費短長吟

山帶烏蠻潤江連白帝深船經一柱觀去聲留眼一作滯共

登臨

上四候嚴未到五六渝州之勝七八下峽以待也本言泊船相待耳却云留眼共登臨句法婉而

多風

王粲詩風流雲散一別如雨江總別袁昌詩不言雲雨散更似東西流古詩有長短吟唐書南蠻

傳南詔本哀牢夷後烏蠻別種也居永昌姚州之間梁

益記舊州雋山其地接諸蠻部有烏蠻白蠻全蜀總

志白帝城在夔州府治東五里下即西陵峽口大江瀾

騰澎湃楚蜀咽喉一柱觀在荊州劉孝綽詩經過一

柱觀出入三休臺顧注杜詩一字一句皆有來歷如

盡室畏途邊盡室出左傳畏途出莊子此詩雲雨散長

短吟俱

本古詩

撥悶

黃鶴云永泰元年在忠州作邵注是年五月離成都下戎渝六月至忠州杜臆題曰撥

悶因心有所悶為此謔浪以自寬演義謂欲飲酒撥悶非也別本作贈嚴二別駕者誤

聞道

去聲

雲安麴米春纔傾一盞即醺人乘舟取醉非難

事下

去聲

峽銷愁定幾巡長

子兩切

年三老遙憐汝捩音拖

開頭

一作鳴銑

捷有神已辦青錢防雇直當令

平聲

美味入吾

脣

上四欲往

雲安五六項乘舟下峽七八家取醉銷愁顧注一盞即醺故取醉非難但欲銷愁定須酌幾

巡也

蔡注峽中以篙師為長年拖工為三老邵注三

老挾拖者長年開頭者

杜臆汝指麴米春言舟子亦

憐酒而挾往也

舊唐書雲安縣屬夔州本漢巴郡朐

臆縣地邵注雲安即今雲陽縣

東坡志林退之詩百

年未滿不得死且可勤買拋青春國史補酒有榮陽之

土窟春富平之石凍春劍南之燒春子美亦云聞道雲

安麴米春裴銅傳奇記裴航事亦有松醪春乃知唐人
名酒多以春也東方朔傳銷愁者莫若酒庚信詩

五兩開船頭黃生注趙氏以不準折一色見錢為青

錢此倒訓矣青銅質美故一色行使其鏐惡者用必準

折故價直以青錢為率也杜臆崔謂舟費直謂酒資

史記秦紀酒未及濡脣補注白樂天詩青旗沽

酒趣梨花自注杭俗梨
花開時酒熟號梨花春

申涵光曰雲安麴米與七月六日并乞胡孫等篇皆

戲筆耳拘儒執為指摘之端偏嗜者又附會而巧護

之皆非也黃生曰全篇只說一

事畧無景語襯綴殊少開闔之致

宴忠州使

去聲

君姪宅

鶴注

永泰元年至忠州達杜
使君而作顧注忠州古巴

地負觀八年改臨州為忠州地志
以巴蔓子及嚴顏皆忠烈故名

出守

去聲

吾家姪殊方此日觀自須遊阮舍

一作

不是怕

湖

一作溪

灘樂助長歌逸

一作送

杯

一作饒

旅思

去聲寬昔曾

音

如意舞牽牽強

區兩切

為看

上四過使君宅下四歡宴之情

出守為刺史阮舍此

姪居湖灘近忠州

顧注長歌旅思皆公自言宴時作

樂適助長歌逸興而酒杯饒足故覺旅思稍寬王戎

王導之姪常以鐵如意起舞言使君昔為如意之舞故

今日仍牽引而相看也顏延之詩一麾乃出守吳

越春秋分州殊方晉書阮咸與叔父籍為竹林之遊

咸與籍居道南諸阮居道北阮富而南阮貧峽程

記四百五十灘有清水重峰湖灘漢灘一統志湖灘在

夔州府萬縣西六十里其水甚險春夏水泛江面如湖

陸機詩長歌赴促節哀響逐高嶺庾信詩山簡倒

接羅王戎如意舞周王褒詩未能扶畢卓猶足舞王戎

左傳牽率老夫謝瞻
答靈運詩牽率酬嘉藻

禹廟

鶴注夔州本巴東郡而忠乃析巴東之臨江置又渝州有巴縣此詩當是永泰元年秋在

渝忠

間作

禹廟空山裏秋風落日斜荒庭垂橘柚古屋畫

胡化切

龍

蛇雲氣噓青

從英華一作生虛

壁江聲走白沙早知乘四載疏

鑿控三巴

首二秋至禹廟三四廟中之景五六廟外之景末乃因禹廟而遡禹功

孫莘老曰貢橘

袖放龍蛇皆禹事公見此而有感也

黃注壁間噓雲氣沙上走江聲二句倒裝能寫出山水之險峻故下接

以疏鑿三巴之語禹乘四載以治水向時早已知之
今親至三巴而見其疏鑿遺蹟也疏主江言鑿主山

言控則引水而往黃注秋風記時三已記地胡夏

客曰只一水涯古廟耳寫得如許雄壯陶弘景詩空

山霜滿高烟平古詩秋風蕭蕭愁殺人張協詩荒

庭寂以閒招魂仰觀刻桷畫龍蛇此莊子乘雲氣

御飛龍陸倕詩網戶圓雲氣宋書馬岌銘詩於石壁

曰丹崖百丈青壁千尋子虛賦鉅石白沙庾信詩

早知覓不見書傳四載水乘舟陸乘車泥乘輜山乘

標庾信詩玉山乘四載江賦巴東之峽夏后疏鑿

班固兩都賦控引淮湖熊周巴記劉璋分巴以永

題忠州龍興寺所居院壁

鶴注公永泰元年至忠州寓居於寺故作此詩

杜臆忠州使君乃公之姪其薄情至此詩題不著其名而止題院壁猶見忠厚之意

忠州三峽內井邑聚雲根小市常爭米孤城早閉門空

一作
豈

看

平聲

過客淚莫覓主人恩

一作
言

淹泊

一作
薄

仍愁虎

深居賴獨園

上四忠州之景下四有感而歎 峽內雲根言其僻隘爭未閉門則極荒涼矣使君

必失於周旋故有客淚主恩之慨邑近山故愁虎居獨園在寺院也 蜀都賦經三峽之崢嶸 已東永安縣

有高山對峙相去可二十丈左右崖甚高入謂之峽江

趙曰三峽以明月峽為首已峽巫峽之類為中東突峽

為盡忠州在渝州之上所謂三峽內也 黃希曰唐志

忠州本臨州州有五縣而戶止六千七百則井邑蕭條

可知陸雲詩井邑自相循 張協詩雲根臨八極注五

岳之雲觸石出者雲之根也 庾信詩山城早掩扉

鮑照詩既荷人主恩 金

剛經有祇樹給孤獨園

黃生曰舊嫌五六語意太露今覺不然從三四讀下則此州之荒涼已極安能為客壯行色乎故知二語

乃苦詞非
怨詞也

哭嚴僕射歸櫬

鶴注當在渝忠時作
右僕射本副尚書令自尚書令廢

通典唐左

僕射為宰相開元元年改為左右丞相天寶元年
復舊嚴武傳永泰元年四月薨年四十贈尚書左

僕射

素幔隨流水歸舟返舊京老親如

一作知

宿昔部曲異平

生風送

一作逆

蛟龍匣

一作雨

天長驃騎

去聲

營一哀三峽暮

遺後見君情

上四敘歸櫬下四哀僕射
故返於舊京老親猶在而部下人稀此歸

武本華陰人

路之可哀者風送舟行而軍營長寂此去後之可哀者
至想到平日交情尤足傷心酸鼻所以一哀而日暮也

陶潛詩平生去舊京 國史補武卒母哭且曰吾今
而後吾知免為官婢矣 漢書李廣傳行無部曲行陣

諸少孫集風雨以送之流水以行之 老子天長地

久 驃騎將軍當時罷營兵士數千戀攸恩德不忍去以此

軍士思嚴如天長地久按上文有部曲異生平句此說

不合 曾子問盡一哀反位 黃生注凡曰遺

音遺跡遺風遺愛皆留遺之遺遺後亦猶是也

劉後村詩話故人感知己之遇季布奏事彭越頭下

臧洪盧諶皆不以主公成敗而二其心叔季所謂賓

客方翕翕熱時則趨附恐後及時異事改則掉臂而

去至有射羿者世傳嚴武欲殺子美殆未必然觀老

親如宿昔部曲異平生之句極其悽愴至置武於八

哀詩中忠厚藹然異於幕府少年今白髮之作矣李

義山過舊府有寄諸掾詩云莫憑無鬼論終

負託孤心猶有門生故吏之情可以矯薄俗

旅夜書懷

鶴注當是永泰元年去成都舟下渝忠時作

細草微風岸危檣獨夜舟星垂

一作隨

平野濶月湧大江

流名豈文章著官應

一作因

老病休飄飄

一作飄零

何所似天

地

一作外

一沙鷗

上四旅夜下四書懷獨繫兩句串說岸上星垂舟前月湧兩

微風岸邊夜舟

句分承五屬自譙六乃自解未則對鷗而自傷飄泊也顧注名實因文章而著官不為老病而休故用豈應二字反言以見意所云書懷也

王融詩翻塔沒細草

宋玉舞賦順微風陰鏗詩度

鳥息危檣

王粲詩獨夜不能寐

易天垂象當作星

垂吳均詩遠送出平野謝朓詩大江日夜流揚雄傳贊雄好古樂道其意欲求文章成名於後世漢書韋賢以老病乞骸骨罷歸按天地一沙鷗乾坤一草

亭一字上加間
字句義自明

黃生曰太白詩山隨平野盡江入大荒流句法與此
畧同然彼止說得江山此則野濶星垂江流月湧自
是四事也又曰此詩與客亭作工力悉敵但意同
語異耳聖朝無棄物老病已成翁此不敢怨君引分
自安之語名豈文章著官應老病休此無所歸咎撫
躬自怪之語史氏曰詩要健字撐拄活字幹旋如
紅入桃花嫩青歸柳葉新弟子貧原憲諸生老服虔
入與歸字貧與老字乃撐拄也生理何顏面憂端且
歲時名豈文章著官應老病休何與且字豈與應字
乃幹旋也撐拄如屋之有柱幹旋如車之有軸作文
亦然詩以
字文以句

放船

鶴注當是永泰元年
自忠渝下雲安時作

收帆下

去聲

急水卷幔逐回灘江市戎戎暗山雲淦淦

音

寒荒林

一作村荒

無徑入獨鳥怪人看已泊城樓底何曾

音

夜色闌

上四放船暮景下四泊船暮景

帆以御風慢以蔽日曰收曰卷日將晚矣市暗雲寒行舟所

見荒林獨鳥停舟所見無徑入林已昏也怪人看鳥將宿矣自故而泊夜色未闌正見行舟之速庚肩吾詩

離舟卷幔城詩何彼穠矣注穠穠猶戎戎張衡冢賦乃樹靈木戎戎繁霜黃注戎戎市中晚烟之盛也董

斯張曰禮運龍以為畜故魚鮪不淦注羣隊驚散貌淦淦者狀雲物散而不定孔氏曰讀淦為閃者淦從水閃

從門中人言水中之形狀忽有忽無如人在門或見或不見也何遜詩獨鳥赴行棹關盡也

胡應麟曰詩用疊字最警語對屬尤不易工如野日荒荒白江流泯泯清下句稍遜不若山

市戎戎暗江雲淦淦寒銖兩既敵而駢偶天成昔人有以雨荒深院菊霜倒半池蓮為的對者彼持常格

耳

雲安九日鄭十八攜酒陪諸公宴

鶴注永泰元年八月僕因懷思

及吐蕃回紇等入寇故詩云萬國皆戎馬遠注鄭十八名賁雲安人

寒花開已盡菊藥獨盈枝舊摘人頻異輕香酒暫隨地

偏初衣袂

去聲同

山擁更登危萬國皆戎馬酣歌淚欲垂

上四九日自傷飄蕩下四雲安懷世亂離人指諸公曰頻異憶去年也鄭方攜酒曰暫隨念將來也初衣夾見地氣之暖更登危見山城之高張正見詩霜雁排空斷寒花映短蘼沈佺期詩魏文頌菊藥漢武賜萸

囊陶潛詩心遠地自偏說丈被無絮衣秋興賦籍
先弱御被衣風俗通九日登高以禳災厄記孝子

不登危商
書酣歌於室

答鄭十七郎一絕

鶴注鄭十七郎十八兄弟也

雨後過

平聲

畦潤花殘步履遲把文驚小陸好客見當

時

此訪鄭後鄭贈詩而公答之也上二敘景下二言情
小陸陸雲也比鄭十八當時鄭莊也比鄭十七

別常徵君

顧注永泰元年自秋徂冬公在雲安故云卧病一秋強強多也

兒扶猶杖策卧病一秋強白髮少新洗寒衣寬總長故

人憂見及此別淚相望

平聲黃生作望舊作忘

各逐萍流轉來書

細作行

音杭 猶扶病

上四自敘病態下四送別常君 扶而

而長此備寫老病之狀 故人憂及已病彼此傷心而相對淚下故曰淚相望張遠謂憂病甚於惜別故淚可相忘稍曲 白髮少寒太寬此上三字下二字句法謝靈運詩此別久無適 黃注見及恐大命之見及也

長江二首

鶴注瞿塘峽在夔州東一里雲安在州西百三十里永泰元年公在雲安雲安

與萬州為隣使君一灘占兩境時崔旰叛蜀故有朝宗人共挹萬國奉君心之句

衆水會涪萬瞿塘爭一門朝

音潮

宗人共挹盜賊爾誰尊

孤石隱如馬高蘿垂飲猿歸心異波浪何事即飛翻

章首

觀長江而慨身世也上四惜水以感時事下四觸景而動歸思 衆水會集而爭赴一門其迅急可知自此東

流赴海水有朝宗之義今盜賊據險為亂爾不尊朝廷而將誰尊耶石如馬險可畏猿垂飲物可增寫景中亦舍歸意江水飛翻阻人歸路而歸心終不可阻亦何用飛翻為哉黃注此八句整對格亦虛實相間格舊書涪州涪陵郡武德元年以渝州之涪陵鎮置萬州南浦郡武德二年析信州置俱屬山南東道案宇記瞿塘在夔州東一里古西陵峽也連崖千丈崩流電激方輿勝覽瞿塘峽乃三峽之門兩崖對峙中貫一江望之如門焉詩汚彼流水朝宗於海詩挹彼注茲黃注共挹猶言共飲其德以一門應衆水以誰尊應朝宗皆用斜對法杜臆云朝宗者人所共取今盜賊不知此義誰是尊爾者見逆理之必亡也二句解作正對以下章奉君例之則誰尊當主君說李膺益州記灩澦堆夏月漲沒數十丈其狀如馬舟人不敢進又曰猶豫言舟子取途不決水脈故猶豫也水經注江中有孤石為涪豫石冬出水二十餘丈夏則沒亦有裁出矣樂府涪

豫大如馬瞿唐不可下寰宇記灩澦堆周圍二十丈在
州西南二百步蜀江中心瞿唐峽口水經注瞿唐峽
多猿猴不生北岸非惟一處或取之故著北山中初不
聞聲吳均書企水之猿百臂相接謝靈運游名山志觀
掛猿下飲
百丈相連

浩浩終不息乃知東極臨

一作深

衆流歸海意萬國奉君

心色借瀟湘濶聲驅灩澦沈

一作深

未辭添霧雨接上

上聲

過

一作遇

衣襟

次章申明上章之意上四言朝宗至海見世當戴君下四言歸心阻雨數已難出峽

江漲波濶似預借瀟湘之色水奔聲急如欲驅灩澦使沈此狀水勢之壯悍一說瀟湘之濶其色皆借資於此以瀟湘乃江水下流也杜詩博議江流之大不辭霧雨而接江流而上過人衣襟之間所謂波浪兼天者

如此東極指東海西都賦衆流之隈尚書大傳
小水大水東流歸海古史執玉帛者萬國鄒陽傳

浮雲出遊霧雨咸集列仙傳王子晉遊伊洛間道士

浮丘公接上嵩山單復疑末句有訛字今按接上二

字恐當作接壤言水浸岸上補注史記
也壤與上蓋聲相近而訛耳周覽東極

王嗣更曰詩以長江命題乃寫其朝宗之性以警盜
賊之背主者兩章同意但有遠近源流之別前章言

瞿唐以上之水後章言瞿唐以下之水通鑑永泰

元年夏嚴武卒行軍司馬杜濟等共請郭英又為節

度使漢州刺史崔旰請大將王崇俊為節度使會朝

廷已除英又英又殺崇俊召旰還成都旰不至英又

將兵攻之大敗而還英又奔簡州普州刺史韓澄殺

英又時叩瀘劍三州牙將各舉兵討旰蜀中大亂

承聞故房相去聲公靈觀自閬州啓殯歸葬東都有

作二首

聞上加承字尊故相也

鶴注琯卒於廣

德元年權薨閬州二年春公有詩別其墓

今云孤魂久客間則此詩作於永泰元年吳時公

在雲安故云遠聞又云風塵終不解其年吐蕃回

統寇
邊也

遠聞房太尉

一作
守非

歸塋陸渾

平聲

山一德興王後孤魂久

客間孔明多故事安石竟崇班他日嘉陵淚

一作
涕

仍霑

楚水還

首章哀思故相欲候哭於夔江也

一德而多

嘉陵淚

初哭於閬州楚水還再逢於夔州

黃生注孔

明安石皆身歷兩朝者此房相獨切公田園在東都常

有歸志今哭公於此地空有淚逐櫬還而已還字仍挽

歸塋

趙曰舊本作太守非善本作太尉蓋琯適漢州

刺史召拜刑部尚書道病卒贈太尉不應呼之為太守
宋之問詩歸墓出三條唐書琯河南人宰相房

融之子少好學與東平呂向偕隱陸渾山十年鄭曰十
道志陸渾山在洛陽洙曰昔辛有適伊川見被髮而祭

者言此地當夷後為陸渾之戎所有山因而得名書
咸有一德宋之問詩業重興王際孔融詩孤魂遊

窮暮後漢書溫序為隗囂所殺喪到洛陽賜棺旁地為塚長子壽夢序曰久客思鄉里壽即上書請骸骨歸

荃蜀志陳壽與荀勗等定故蜀丞相諸葛亮故事二十四篇以進謝安傳安荃時年六十六帝三日臨於

朝堂賜束園秘器朝服贈太傅謚曰文靖及薨加殊禮
依大司馬桓溫故事王獻之傳謝安薨贈禮有異同之

議獻之與徐逸共明安之忠勛遂加殊禮
江在果州果與梓閬為隣楚水夔已下之江也
鶴曰嘉陵江淹

賦楚水而吳江

丹旒飛飛日初傳發閬州風塵終不解江漢忽同流劍

動

黃注一作近

親身匣書歸故國樓盡哀知有處為客恐長

休

次章傷心歸櫬欲終哭於東都也閬州起殯應前嘉陵江故國歸墓應前陸渾山三四時危而憶老臣

五六物在而悼人亡公思盡哀墓所又恐客死不還盡痛房而無自痛矣丹旒銘旌也王褒送墓詩丹旒

書空位寡婦賦飛旒翩以啟路虞世基詩飛飛未得

栖閬州有漢水即嘉陵江房公之櫬自西漢而下夔江故云江漢同流朱注左傳不識屬辟疏云屬次大

棺辟親身棺也匣即蛟龍玉匣黃生注劍動言靈爽所憑書歸言手澤所存史記孔子世家各復盡哀淮南子喪者所以盡哀

劉克莊曰子美與房琯善其為哀挽方之孔明謝安投贈哥舒翰詩盛有稱許比之廉頗魏絳然陳清斜

潼關二詩直筆不少恕或疑與素論相反愚謂翰未敗非事前所知瑄雖敗猶不失為名相及二人各敗又直筆不恕所以為詩史也何相反之有

將曉二首

鶴注此當是永泰元年冬雲安作

石城除擊柝鐵鎖欲開關鼓角愁荒塞星河落曙

一作曉

山巴人常小梗蜀使

去聲

動無還垂老孤帆色飄飄

一作飄飄

犯百

一作白

蠻

此詩曉發雲安而作上四將曉景事下四將曉心緒

柝方靜而鼓角又鳴門將啟

而星河已沒此曉時聞見者已蜀不安以致孤帆早發所謂干戈連解纜也水經江水逕臨江縣南左逕石城南巴漢志胸臆縣山有大小石城漢胸臆唐雲安也易重門擊柝黃鶴曰巴人常小梗謂上元間劍南

東川節度兵馬使段子璋反伏誅寶應初劍南西川兵馬使徐知道反伏誅明年劍南西川兵馬使崔旰反殺成都節度使郭英乂黃生注旰色即行色夔為楚地本屬蠻方唐書諸蠻羈縻州九十二隸戎州都督府

軍吏廻官燭舟人自楚歌寒沙縈

一作蒙

薄霧落月去清

波壯惜身名晚哀慚應接多歸朝

音潮

日簪笏筋力定如

何

此章敘景言情亦四句分截見者下截仍數垂老意壯字哀字微讀言追思壯年

上四乃發船時所聞

惜身名已晚今當哀老慚應接徒多縱使歸朝正恐筋力難堪耳

前章寫岸上之景此章寫舟前之景前章

數留滯南方此章欲還歸北闕也

官燭官府之燭黃庭堅曰已祇為揚州刺史與坐客暗中不燃官燭史

記項羽紀聞軍中四面皆楚歌

沈

慶之詩朽老筋力盡徒步歸南國

懷錦水居止二首

鶴注當是永泰元年在雲安作陶潛詩居止次城邑

軍旅西征僻風塵戰伐多猶一作獨

聞蜀父老不忘

去聲

舜

謳歌天險終難立柴門豈重

義從平聲讀從去聲

過

平聲

朝朝巫峽

水遠逗

郭作遠

錦江波

首章避

亂而去錦水也在四句分截西征僻王師未到戰伐多共

討崔旰舜謳歌玄宗曾幸蜀也兵亂如是故天險難以立身而草堂不復經過矣惟看巫峽之水遙連錦水而

已逗引也

杜臆

天險即所謂西蜀地形

天下險曰終難立已知蜀亂難平矣唐書永泰元年冬十月劍南

節度使郭英乂為兵馬使崔旰所殺邛州牙將柏茂琳瀘州牙將楊子琳劍州牙將李昌夔等共起兵討之

漢書相如著書假蜀父老為辭

舜謳歌

出孟子

天險劍門也易天險不可升也

萬里橋西

一作南

宅百花潭北莊層軒皆面水老樹飽經

霜雪嶺界天白錦城曛日黃惜哉形勝地回首一茫茫

次章懷思錦水勝境也亦四句分段首二居止所在

三四近景五六遠景此即形勝也回首句應前豈重過

仍結到懷字杜臆萬里橋六句乃草堂記也公之神

情鍾此故百世而後復為所有宋玉招魂高堂邃宇

檻層軒史萬歲詩界天自嶺勝金

湯劍閣銘形勝之地匪親勿居

葛常之韻語陽秋曰公作草堂經營上元之始斷手

寶應之年有此草堂者始終祇得四載而其間往梓

闕三年公詩所謂三年奔走空皮骨也永泰元年四

月嚴武卒是秋公寓夔州雲安縣則居草堂僅閱歲

而已其起居寢處之興不足以償其經營往來之勞

可謂一世之蜀人也然自唐至今已數百載而草堂

之名與其山川草木皆因公詩以為不朽之傳蓋公之不幸而山川草木之幸也

青絲

朱氏編在永泰元年 鶴曰此詩言僕固懷恩之亂也

青絲白馬誰家子簾豪且逐風塵起不聞漢主放妃嬪

近靜潼關掃蜂蟻殿前兵馬破汝時十月即為虢粉期

不如

一作未知

面縛歸金闕萬一皇恩下

去聲

玉墀

此詩諷僕固懷恩也

首以候景之亂比其犯順放妃嬪頌主德也靜潼關揚國威也下則料其敗亡而勸之歸正 朱注永泰元

年九月懷恩死於鳴沙虢粉之言驗矣 南史侯景傳大同中童謠曰青絲白馬壽陽來 前漢書文帝十二

年出惠帝後宮美人令得嫁又文帝遺詔歸夫人以下至少使又成哀平帝皆出宮人媵妻朱注舊唐書永泰

元年二月內出宮女千人品官六百人守洛陽宮此與肅宗收京即放宮女三千皆盛德事故借漢主為言不聞謂豈不聞乎唐書吐蕃陷長安涇州刺史高暉為鄉導吐蕃迫帥三百驍騎東走潼關守將李日越擒而殺之蔡琰胡笳聚如蜂蟻殿前兵馬謂神策軍也兵志云廣德元年代宗幸陝魚朝恩舉神策軍迎扈後以軍歸禁中自將之永泰元年又以神策軍屯苑中自是寢盛分為左右廂勢居北軍右數出征伐有功莊子使宋王而寤子為齏粉矣史記微子造軍門內袒面縛注面縛者縛手於背面向前也金闕玉墀注見五卷曹植責躬詩皇恩過隆

三絕句

朱注此詩梁權道編在廣德二年魯訔編在上元二年黃鶴編在大厯三年按首章

渝開殺刺史事雖無考而以後二章證之此乃永泰元年事也

前

一作去

年渝州殺刺史今年開州殺刺史羣盜相隨劇

虎狼食人更肯留妻子

此三章雜記蜀中之亂首章傷兩州之被寇也食人留妻子

就虎狼言以見盜之尤劇唐書開州盛山郡屬山南西道本萬州郡天寶元年更名

二十一家同入蜀惟殘一人出駱谷自說二女齧臂時

迴頭却向秦雲哭

次章記難民之罹禍也蓋當時避羌渾而至蜀者入蜀諸家

餘也二女齧臂恐不兩全故棄之而走朱注唐書興道有駱谷路南口曰儻谷北口曰駱谷元和郡縣志儻

谷一名駱谷駱谷在興道縣北三十里按駱谷在長安西南駱谷關在京兆府藍屋縣西南一百二十里武德

七年開駱谷道以通梁州在今關外九里貞觀四年移於今所駱谷道漢魏舊道也南通蜀漢案字記自郿縣

界西南經鹽屋縣又西南入駱谷出駱谷入洋州興勢縣界史記吳起出衡國門與母訣齧臂而盟世說趙飛燕妹弟少貧微及飛燕見召與女弟齧臂而別劉孝威詩秦雲猶變色

殿前兵馬雖驍雄縱暴畧與羌渾

平

同聞道

聲殺人漢

水上婦女多在官軍中

末章歎禁軍之暴橫也

漢水在巴西禁兵蓋曾至蜀而肆虐

者羌渾黨項羌吐谷渾也唐書黨項古析支地東距松州北隣吐谷渾吐谷渾注見前

朱鶴齡曰代宗任用中人依禁軍以平亂而不知其縱暴乃如此詩故深刺之也師古注時天子命陸瓌以三千神策軍彈壓蜀亂徧考史鑑俱無此事凡師氏所引唐史拾遺皆出偽誤嚴滄浪嘗辨之如公詩自平中官呂太一事載正史師乃云唐史拾遺有呂寧為太一宮使即此推之他可知矣又曰唐本紀

永泰元年九月僕固懷恩誘黨項羌渾奴刺寇同州及鳳翔盤厓末章云縱暴畧與羌渾同則知其時為寇者乃羌渾也次章云惟殘一人出駱谷駱谷關在盤厓西南又知二十一家因避羌渾而入蜀也雖寶應元年黨項奴刺嘗寇梁洋間然爾時禁軍尚未盛兵志謂在廣德元年代宗幸陝以後以詩中殿前兵馬句觀之是作於寶應之後矣

遣憤

鶴注此當是永泰元年作郭子儀與回紇再盟以破吐蕃正在此年

聞道

去聲

花門將

去聲

論

平聲

功未盡歸自從收帝里誰復

扶又

切
總戎

一云兵

機

一云軍麾

蜂蠆終懷毒雷霆可震威莫令

平聲

鞭血地再濕漢臣衣

此為回紇驕橫作詩以遣憤也四紀方矜功邀賞而總戎又不得

其人此皆時事之可憤者。今朝廷之上宜思養毒貽患，急震威以制防之。母令其再恃軍功辱及廷臣也。朱注：通鑑永泰元年十月，郭子儀使白元帥精騎與回紇將藥葛羅追吐蕃於靈臺西原，大破之。又破之於涇州。東於是曰：紇都祿督等二百餘人入見，前後贈賚，緡帛十萬疋，府藏空竭。所謂論功未盡歸也。王猛辭表：總督戎機，出納帝命。朱注：吐蕃敗去，京師解嚴時，魚朝恩統神策軍，勢寔盛，雖復總戎機，蓋諷中人典兵而任子儀之不專也。左傳：君無謂郭小，蜂蠆有毒，況國乎？通俗文：長尾為蠆，短尾為蠍。漢賈山傳：人主之威非特雷霆也。左傳：齊侯誅屨於徒人費，弗得鞭之，見血于慎行曰：初，雍王見回紇可汗於黃河北，責雍王不於帳前舞蹈，車鼻遂引藥子昂、李進章少華、魏琚各榜捶一百少華，踞一宿而死。漢臣鞭血正記此事。張注：公追憶回紇助討朝義時，其肆毒如此。今助討吐蕃，毋再濕漢臣衣可也。觀一再字可見舊注引漢書禁中非刑。

人鞭血之地

於此無涉

王嗣爽曰子儀說花門同逐吐蕃而論功猶未歸去則其期望可知子儀身係天下安危而有事相之無事棄置所以外夷輕視中國公甚惜之故云自從收帝里誰復總戎機回紇毒如蜂蠆若元戎得人可震以雷霆之威矣黃生曰題云遣憤憤人主蔽於近倖不任元戎而使花門得行其肆橫也總戎指郭子儀蜂蠆指程元振輩望代宗一震雷霆以去讒佞耳按此說稍異不如杜臆

十二月一日三首

鶴注永泰元年秋公至雲安是冬在雲安作明年春晚遷居夔

州

今朝臘月春意動雲安縣前江可憐一聲何處送書雁

百丈誰家上

上聲

瀨

一作水

船未將梅藥驚愁眼要

一作更

取

椒

一作椒

花媚遠天明光起草人所羨肺病幾時朝

音潮

日

邊

此詩厭居雲安而作承次句五六臘後事承首句末因春近而念朝正也

首記時次記地三四縣前景

聞雁聲想家書見瀨船思出峽方在臘故梅藥未吐春將至故椒花欲頌遠天指雲安媚言其可愛張正

見詩終無一雁帶書回

晉樂府沿江引百丈一瀉多

一艇南史宋超傳宋武北伐起石前鋒入河軍人緣河

南岸牽百丈朱注演繁露云杜詩多用百丈問之蜀人

云水峻岸石又多蕪荻若用索牽遇石輒斷故劈竹為

大辦用麻繩連貫以為牽具是名百丈陸游入蜀記上

峽惟用艣及百丈不用張帆百丈以巨竹四破為之大

如人臂吳都賦直衝清而上瀨瀨急灘也江總詩

玩竹春前荀驚花雪後梅驚眼本此晉劉臻妻元日

欽定四庫全書

杜詩詳註
卷十四

七

獻椒花頌楊慎謂當作椒花未然 古樂府入門各自
媚即此媚字朱瀚引媚於天子太迂 漢王商借明光
殿起草作制誥 趙大綱謂公詩翰林學士如堵牆觀
我落筆中書堂即明光起草人所羨也據石硯詩蔡注
引漢官儀尚書郎主作文章起草乃自敎郎官事也
晉明帝云只聞人自長安來不聞人自日邊來故後人
遂指長安為日邊

寒輕市上山煙碧日滿樓前江霧黃負鹽出井此溪女

打鼓發船何郡郎新亭舉目風景切茂陵著書消渴長

春花不愁不爛熳楚客惟聽棹相將

次章承雲安上四雲安景事下四雲

安情緒 烟碧霧黃冬暖之色此溪女嫌其俗陋何郡郎怪其冒險中原未平故有新亭風景之傷肺病留蜀

故有茂陵消渴之慨春花應春動聽棹思出峽也何
遜詩山烟函樹色鮑照詩濛昧江上霧馬嶺謠三

牛對馬嶺不出貴人出鹽井遠注雲安人家有鹽井其

俗以女當門戶皆販鹽自給唐書夔州奉節縣有永安

井鹽官又雲安大昌皆有鹽官又云峽中多曲江有

峭石兩舟相觸急不及避故發船多打鼓聽前船鼓聲

既遠後船方發恐相值觸損也何氏語林王敦嘗坐武

昌釣臺聞行船打鼓嗟稱其能王導傳中州士人避

亂江左每至暇日邀飲新亭周顗中坐數曰風景不殊

舉目有江山之異通鑑注新亭去江寧縣十里近臨江

渚切乃悽切之切茂陵著書用司馬相如事注別

見儀禮注相將彼此相扶助陶潛詩相將還楚客心悠哉

舊居杜臆發必同行故曰相將猶俗云船幫

即看平燕子入山扉豈有黃鸝厯翠微短短桃花臨水

岸輕輕柳絮點人衣春來準擬開懷久老去親知見面

稀他日一盃難強

區兩切

進重

平聲

嗟筋力故山遠

末章承春意上

四擬春日之景下四寫春日之情 朱注詩作於十二月一日而云燕鵬桃柳者蓋逆道其事即所謂他日也

親知稀見欲開懷而不得故山終遠欲強飲而不能意有兩層故曰重嗟朱瀚謂一嗟筋力一嗟故山非是

筋力即上文老去耳 即看即可見也豈有豈不有也他日指來春故山指長安 瀚曰故山山扉首尾相應

陳後主詩雲色入山扉 何遜詩黃鸝隱葉飛 翠微山腰春色 黃注短短字老而趣如小小則嫩矮矮

則俗灼灼則太文皆替此二字不得 王羲之與謝萬書欲與親知時共惟燕 史記趙高曰羣臣莫得見其

面 薛道衡詩陶然寄一杯 李嶠詩重嗟歡賞地 翻名別離憂 陶弘景校陸敬游文筋力盡於登築 謝

靈運詩故
山日已遠

杜詩凡數章永接必有相連章法首章結出還京次
章結出下峽三章又恐終老峽中皆其布置次第也
盧世灌曰末章尤空奇變化其虛實實虛有無無
有之間妙極應亂而懷人數老抱映盤紆此老杜七
律之神境

又雪

鶴注當是永泰元年冬作 題曰又
雪前面應有雪詩一章疑脫漏矣

南雪不到地青崖霜未消微微向日薄脈脈去人遙冬
熱駕鴛病峽深豺虎驕愁邊有江水焉 於虔切 得北之朝

此公厭居雲安而託冬雪以寓意也上四言景下四感
懷 雪不到地氣暖故也霜崖之雪向日旋消人每不

見故脉脉而遙杜臆文禽偏病猛獸偏驕見地惡不可久居安得乘此江水而北返長安乎風土記南方無雪江淹詩雞鳴丹壁上猿啼青崖間陶潛詩聞雨紛紛微微吳均詩脉脉留南浦杜臆峽深有虎負勢岨之

陶淵明詠雪詩淒淒歲暮風翳翳經日雪傾耳無希聲在目皓已潔琴寫最工上四彷彿似之皆狀物佳句

雨鶴注舊史大歷元年正月丁巳朔則初八日為甲子史又云是春早至六月庚子始雨與唐訪合

冥冥甲子雨已度立春時輕簾頰

一作頰

相向纖絳恐自

疑烟添纔有色風引更如絲直覺巫山暮兼催宋玉悲

詩為甲子逢雨而作首聯記異三四承立春時怪其乍
暖五六承雨冥冥形其細微巫山暮雨後昏翳也宋玉
悲客況淒涼也楚辭雷填填兮雨冥冥朝野食載
春雨甲子赤地千里秋興賦於時乃屏輕簾釋纖絺
注簾扇也纖絺細葛沫曰扇可相向則葛疑其可著
矣張協詩騰雲似湧烟密雨如散絲高唐賦妾在

巫山之陽
暮為行雨

王嗣奭曰先雨而度立春是冬甲子雨也諺云冬而
甲子飛雪千里南方地暖故不雪而雨舊引春雨甲
子誤又諺云雨前如毛不肯雨雨後如毛不肯晴冬
雨度春而風引如絲乃雨之可厭者白日晦冥如巫
山已暮疑神女之行雨也宋玉悲秋賦云慘慄兮若
在遠行又云坎廩兮貧士失職而志不平故兼催宋

玉悲注謂雨過如秋
與輕箋織締戾矣

南楚

鶴注當是大厯元年春在雲安作
顧注雲安在楚之西南故曰南楚
宋玉笛賦絕鄭

之遠離南楚兮
方言南楚之人

南楚青春異暄寒早早分無名江上草隨意嶺頭雲正

月蜂相見非時鳥共聞杖藜妨躍馬不是故離羣

上六
寫春

暄之景下二敘客楚之情

杜臆他處初春必有餘寒

惟南楚交春即暄故云早早分

春暄佳勝如此而不

及與人遊賞正恐杖藜緩行有妨少年躍馬者耳非是

故意離羣也
黃注五六見物皆樂羣與七八反照

記子夏離

羣而索居

無名江上草隨意嶺頭雲此與水流心不競雲在意俱遲同一間曠心境但此處似出之太易耳

水閣朝霽奉簡雲安嚴明府

一作嚴雲安嚴明府雲安縣令也時公

居嚴之水閣故作詩以贈之鶴注當是大厯元年春在雲安作

東城抱春岑江閣隣石面崔嵬晨雲白朝旭

一作日

射

音石

芳甸雨檻卧花叢風床展書卷

一作輕慢

鈎簾宿鷺起丸藥

流鶯囀呼婢取酒壺續兒誦文選

去聲

晚交嚴明府矧此

數相見

音朔

首二水閣形勢崔嵬四句朝霽之景鈎簾四句朝霽之事末點簡嚴之意

城抱山閣後

也石為隣閣傍也晨雲朝旭在閣外卧花展書在閣中鷺起鶯囀在閣外呼酒課兒在閣中句句切水閣却句

句貼朝霽此皆現前景事不煩雕琢者杜臆水閣即
前江樓情異而其景遂別芳甸春野芳菲也謝朓詩

離英滿芳甸沈約詩雨檻雲欄風俗通祝恬道得
溫病應融躬自御之手為丸藥沈約詩流鶯復滿枝

申涵光曰呼婢取酒壺不似詩語
子誦文選斷不能接公為口續之

黃生曰此詩全首風致盡即景寫心之作也張綏

曰杜詩無所不具後人各因其姿之所近而祖之皆

足以名家而檻風床一聯秦淮海以婉麗得之而有
雨砌墮危芳風軒納飛絮之句鈎簾丸藥一聯王荆

公以工刻得之而有青山捫虱坐黃鳥扶書眠之句
又淮海云有情芍藥含春淚無力薔薇臥曉枝亦做

杜句而微涉於纖矣葉石林詩話蔡天啟云荆公
每稱老杜鈎簾宿鷺起九藥流鶯轉以為用意高妙

五字模楷他日公作詩得青山捫虱坐黃鳥扶書眠
自謂不減杜語求之集中不見其全篇或但得此聯

未嘗成

章耶

杜鵑

鶴注當是大厯元年春在雲安作故云雲安有杜鵑

洙曰華陽風俗錄杜鵑其大如鵲而羽烏聲哀而吻有血人云春至則鳴聞其初聲者有離別之苦惟田家候其鳴則興農事

西川有杜鵑東川無杜鵑涪萬

一作南

無杜鵑雲安有杜

鵑

首記蜀中杜鵑之有無西川雲安起下二段杜鵑起用四杜鵑或有或無皆就身之所歷而自紀所聞

鵑鳴有時西川雲安當其鳴則聞之而謂之有東川涪萬當其不鳴則不聞而謂之無故初拜於錦城而雲安則身病不能拜通篇起結照應如此乃拘泥者見其疊用杜鵑以為題下注注應止分有無二項不應有無參錯若以比刺史忠逆則雲安非州無刺史也且嚴武亦卒矣故諷伯東坡之說皆非也老杜變體最多如三絕

句疊用兩刺史唐人有此體乎

黃希曰白頭吟郭東

亦有熊郭西亦有熊此詩起法或本此

吳曾漫錄樂府

江南詞魚戲蓮葉東魚戲蓮葉西魚戲蓮葉南魚戲蓮

葉北子美正用此格古韻西與北叶北音悲

趙曰連

用四杜鵑正詩有酒醕我無酒酤我坎

鼓我蹲蹲舞我之勢豈是題下注耶

我昔遊錦城結

廬錦水邊有竹一頃餘喬木上

聲

參天杜鵑暮春至哀

哀叫其間我見常再拜重是古帝魂

叶胡考切

此承

往時致敬之意

陶潛詩結廬在人境

上參天

鮑照行路難中有一鳥名杜鵑云是古時蜀

何胥詩古木

帝

生子百鳥巢百鳥不敢噉

叶稱延切

仍為餒其子禮

魂

一作喧

仍為餒其子禮

仍為餒其子禮

若奉至尊

叶租

鴻雁及羔羊有禮太古前行

全切

戶郎

飛與

飛與

跪乳識序如

一作又

知恩

叶衣尖切 承上起下之詞

此言鳥尊杜鵑乃奉若至尊物

性所稟猶羔雁知禮從古皆然也行飛識序雁有兄弟之禮跪乳知恩羊有母子之禮世說杜鵑養子於百

鳥巢百鳥共養其子而不敢犯春秋繁露雁有行列羔飲其母必跪類知禮者故以為贊羊祜雁賦鳴則

相和行則接武前不絕貫後不越序

聖賢古

一作吾

法則付與

一作之

後世傳

君看

平聲

禽鳥情猶解事杜鵑今忽暮春間值我病經年

身病不能拜淚下

去聲

如迸泉

此承雲安有杜鵑又敘病中哀憐之意君臣之禮

世傳已久即禽鳥之微猶知尊事今病不能拜惟有泣下悲傷而已與前段我見常再拜相應申涵光曰開首四語起得奇朴其云拜杜鵑奇不能拜而泣更奇此章四句起下三段各八句淮南子設儀立慶可為

法則劉琨詩據鞍長歎息淚下如迸泉

趙次公曰此詩譏世之不修臣節者曾禽鳥之不若耳大意與杜鵑行相表裏又曰世有杜鵑辨乃仙井李新元應之作鬻書者編入東坡外集詩話中其說云蓋譏當時刺史也嚴武在蜀雖橫斂刻薄而實資中原是西川有杜鵑其不度王命擅軍旅絕貢賦以自固如杜克遜在梓州是東川無杜鵑耳浩萬雲安刺史微不可考凡尊君者為有懷貳者為無不存乎杜鵑真有無也其說穿鑿

子規

此亦雲安春作乃水閣所聞子規也杜臆一說子規非杜鵑乃叫不如歸去者

峽裏雲安縣江樓翼瓦齊兩邊山木合終一作盡日子規

啼眇眇春風見蕭蕭夜色淒一作樓客愁那聽此故作傍

去聲一人低此聽子規而動客愁也峽中有縣縣前有江江上有樓樓邊擁以山木而子規終日

啼號當此春風之際儼如夜色淒涼客愁何堪聽此況故作低聲以近人乎八句一氣滾下夜色即就日間言

此杜臆之說也眇眇指子規蕭蕭指山木申涵光曰兩邊山木合終日子規啼爽豁如彈丸脫手此太白雋

語也夢弼曰翼瓦謂簷宇飛揚如鳥之張翼庾信詩清梵兩邊來鮑照詩眇眇負霜鶴夏后湛秋夕

賦木蕭蕭以被風

客居

唐書大厯元年二月以杜鴻漸為東西川副元帥詩云已閒動行軒蓋三月初作杜臆謂

此詩作於雲安是也又謂前江後山即前所云江樓水閣印合自確黃鶴編在夔州與客堂為一處

誤矣

客居所居堂前江後山根下塹

七 斲切

萬尋岸蒼濤鬱飛

翻蔥青衆木梢邪豎雜石痕子規晝夜啼壯士斂精魂

峽開四千里水合數百源人虎相半居相傷終兩存

此記

客居情景

岸下翻濤承前江木梢石痕承後山四句

江山近景峽開千里水合百源二句江山遠景子規夜

啼已動歸思況人虎雜居更難久處矣杜臆濤翻色

白今云蒼濤以岸高掩映故也所處地高故見木梢雜

石之痕或斜或豎客居旅舍也下居字指居處後漢

楊震傳常客居於湖沈約詩林薄杳蔥青又傾壁

復邪豎恨賦拱木斂魂阮籍咏懷詩精魂自漂淪

宋肇三峽堂記峽江綿跨西南諸夷合牂牁越雋夜郎

鳥蠻之水縈紆曲折掀騰洶湧咸歸納於峽口實衆水

之會也申涵光曰人虎兩存此大道理他人數語說

不蜀麻久不來吳鹽擁荆門西南失大將去聲商旅自星

奔今又降元戎已聞動行軒舟子候利涉亦憑節制尊

此記蜀中時事大將謂郭英又元戎謂杜鴻漸麻鹽不通商旅避兵也節制可憑望其平蜀也夢弼曰蜀

出麻吳出鹽廣絕交論莫不望影我在路中央生理

不得論

平聲

卧愁病脚廢徐步視小園短畦帶碧草悵望

思王孫鳳隨其凰去雛雀暮喧繁覽物想故國十年別

荒

一作鄉

邨日暮歸幾翼北林空自昏

此感客居而思故鄉

雲安在荆蜀

之間故曰路中央趙曰見碧草則思王孫見雀喧則思鳳舉皆因小園感興短畦四句從小園追想故國

也祿山陷京屠戮宗室故曰悵望思王孫楊妃歿後上皇亦亡故曰鳳隨其風去下云攬物思故國傷亂後不

能北歸也

又按楚詞注屈原楚同姓故稱王孫司馬

相如有歸鳳求凰之詠此詩悵望王孫應指屈原鳳隨

風去應指相如此說不如前舊注則云王孫指嚴武鳳

去雀喧比君子亡而小人競此說太泛詩宛在水中

央

世說陶淵明有脚疾

劉安招隱士王孫

安得覆

游兮不歸春草生兮萋萋

江淹別賦春草碧色

安得覆

八溟為

去聲

君洗乾坤稷契

音

易

音

為力犬戎何足吞儒

生老無成臣子憂四藩

一作四番魯直刊作憂思翻

篋中有舊筆情

至時復

扶人切

援末數時事而傷身老

言安得覆八溟

外寇何難掃除今年老無成而猶憂及邊境唯有賦詩

寄慨而已杜臆公嘗自比稷契此亦自負語此章

八句兩段十二句兩段 趙岐孟子注秦滅經籍坑戮
儒生 宋樂歌訐譏定命辰告四藩 曹植詩援筆從
辭 此

石硯

原注平侍御者 黃鶴依梁氏編在
雲安詩內以詩有奉使三峽句也

平公今詩伯秀發吾所羨奉使

去聲

三峽中長嘯得石硯

首敘得硯之由 蜀都賦王褒暉暉而秀
發 蜀志諸葛孔明客荆州抱膝長嘯

巨璞禹鑿餘

異狀君獨見其滑乃波濤其光或雷電聯坳

於交切

各盡

墨多水遞隱見

音現

揮灑容數人十手可對面

此記石硯之美具

滑澤光潔能發墨而濡毫 朱注聯坳硯穴相
並多水硯潤出水也 何遜詩對面何由即

此公頭

上冠貞

一作正

質未為賤當公賦佳句況得終清宴公舍

起草姿不遠明光殿致于丹青地知汝隨顧盼

從硯結到平公

以冠此硯語近率賦詩染翰是一事宴閒臨書又一事明光起草切侍御杜臆起草之時汝能隨人顧盼

而盡所欲言汝指硯言

此章四句起下二段各八句前漢諸葛豐傳願賜清宴謂清閒之時朱注三秦

記未央宮漸臺西有桂宮內有明光殿皆金玉珠璣為簾箔金沱玉階晝夜光明按黃圖漢有兩明光宮一在長樂宮後成都在王商借以避暑之所一在甘泉宮武帝以燕趙美人充之若明光殿自在桂宮三者原不相干杜詩不遠明光殿東坡先入明光宮注家都混為一程大昌玉琳皆有辨夢弼曰起草知制誥也漢官儀尚書郎主作文章起草丹青地謂丹墀青瑣之間

贈鄭十八賁

黃鶴編在大厯元年雲安詩內 趙曰鄭蓋雲安縣令故有異味煩縣尹

之句

溫溫士君子令

平聲

我懷抱盡靈芝剋

去聲

衆芳安得闕親

近

總領全意 詩溫溫恭人

溫溫句屬賦靈芝句屬比下二蒙上

後漢李通傳光武初以通士君子相

慕也

遭亂意不歸窻身跡非隱細人尚姑息吾子色愈謹

高懷見物理識者安肯哂卑飛欲何待捷徑應

去聲

未忍

示我百篇文詩家一標準

此敍鄭才德申明溫溫士君

子遭亂窻身直指鄭言鄭

蓋避亂之蜀曾為小吏者尚姑息人見憐也色愈謹能守正也高懷可服有識位卑不由捷徑此其德器過人

處詩篇可法則才華又復出衆矣舊說以遭亂二句

屬公自敘公身雖在蜀而心實思歸觀前後諸詩可見

豈可云遭亂意不歸乎趙曰山濤吏非吏隱非隱

檀弓細人之愛人也以姑息荀濟詩高懷不可忘

孫武子驚鳥將擊卑飛斂翼張衡應問捷徑邪至吾

不忍以投步尚書序典謨訓誥之文凡百篇孫綽

丞相碑道德之標準羈離文屈宋牢落值顏閔水陸迷畏一作途

藥餌駐修軫古人日已遠青史字不泯步趾咏唐虞追

隨飯音葵董一作數杯資好去聲事異味煩縣尹此記鄭

明安得闕親近屈宋承詩文二句顏閔承高懷二句

公當羈離牢落以得遇鄭賁為幸也身歷畏途故飲藥

停車因而披史共討相隨同食或酌盃酒或嘗異味皆

往來情誼之密也後漢李固傳通游夏之藝顏閔之

仁

左思賦水陸所湊兼六合而交會焉

駐修軫謂

暫輟

行踪正對上迷途說朱氏解作藥餌駐年者非江

通賦

駐修軫於平原趙曰青史者殺青竹簡之史也

左傳今君親步玉趾劉楨詩步趾慰吾身

圓經本

草葵處處有之苗葉作菜茹甚甘爾雅醬苦芹注今董葵也葉似柳子如米汋食之滑唐本草董菜野生花紫

色鮑照詩蓼蟲避葵莖揚雄傳贊家素貧嗜酒人希

至其門時有好事者載酒肴從游學後漢書太原閔

仲叔微博士不到客居安邑老病家貧不能得肉日買

猪肝一片安邑令聞之敕吏常給仲叔曰豈可以口腹

累安邑

心雖在朝

音

渴力與願矛盾

音

上

抱病排金門

令遂去

良容豈為敏

末用自敎作結敏所謂力與願違也

欲抱病赴朝而良年不此章首尾各四句

中二段各十句

尸子楚人有鬻矛與盾者曰吾盾之

堅莫能陷也又曰吾矛之利於物無不陷也或曰以子

之矛陷子之盾何如其人弗能應 黃希曰排字本樊
噲傳所謂排闥 解嘲厯金門上玉堂 鮑照詩哀客

不還雅 左傳
魯人以為敏

別蔡十四著作

鶴注至德二載公在鳳翔至大厯
元年為十春詩云主人薨城府扶

輿歸咸秦主人謂郭英又蔡至成都值郭已死遂
扶輿以歸公與蔡相逢於巴道當在雲安也 著

作郎
官名

賈生慟哭後寥落無其人安知蔡夫子高義邁等倫獻

書謁皇帝志已清風塵流涕灑丹極萬乘去聲為去聲酸辛

天地則瘡一作創

瘕朝廷多一作當

正臣異才復扶又切

間去聲

出周道日惟新

敘蔡平時忠義
慟哭異才問出見其高義絕倫

獻書流涕同於賈生
楚辭

正臣端其
操行兮

使去蜀見知己別顏始一伸主人薨城府扶

櫬歸咸秦巴道此相逢會我病江濱憶念鳳翔都聚散

俄十春

此記雲安重遇之由
使蜀再晤於成都今扶櫬而歸又逢於夔江總

公初遇蔡於鳳翔及其

前後計之則十春矣
史韓澄斬其首送崔旰英又必殯於成都此云薨城府

朱注舊史英又奔簡州普州刺

也隱之我哀不足道

也

去聲

但願子意

一作章

陳稍令

平聲

社稷安

自契魚水親我雖消渴甚敢忘帝力勤尚思未朽骨復

扶又觀耕桑民

此望具入告以恤民
之成都值有崔旰之亂公欲其以兵食

朱注蔡以使事

匱乏歸奏天子計安蜀人故有但願子意陳及玄甲聚不歡之語蜀志先主曰孤之有孔明猶魚之有水也

北魏節閔帝詩君臣體魚水書軌一華戎莊子帝力於我何有哉吳越春秋一男不耕有受其飢一女不

桑有受具寒積水駕三峽浮龍倚長津一云輪困揚舩洪濤間仗

子濟物身鞍馬下去聲秦塞王城通北辰玄甲聚不散兵

久食恐貧窮谷無粟帛使去聲者來相因若馮憑同一作達南

轅吏陳作使書札到天垠末敘送別之意上六記遼次下六望寄書蔡之出峽還京

先從水行其陸路則由王城而入關也玄甲會討崔

旰之兵使者京師索餉之官後詩兵戈猶擁蜀賦飲強

輸秦可證夔在長安之南故北來者為南轅揚德周

曰玄甲四句觸目傷心感悵泣然此詩首尾各十二

句中二段各八句 宋武帝詩積水涵雲根 晉書王

濟造戰船時謠曰不畏岸上虎只畏水中龍 郭璞詩

高浪駕蓬萊浮龍倚長津 楚辭注舡船有窗牖者隋

牛弘詩揚舡泛急流 遠注仗子句卽若濟巨川用汝

作舟楫意 王城在河南 漢書霍去病傳發屬國玄

甲軍洙曰班固燕山銘玄甲曜日注玄甲鐵甲也 唐

書崔旰反柏茂林等舉兵討之大厯元年三月山南西

道節度使張獻誠與旰戰於梓州大敗 漢書陳陳相

因 左傳令尹南轅返旆 古詩遺我一書札

窮谷天垠俱指夔州 爾雅九天之際曰九垠

寄常徵君

首句言春末句言雲安知是大厯元年

而預道夏時也 遠注魏漢以來起隱士謂之徵

君後漢韓康傳亭長以韓徵君當至方修道橋

鶴曰徵君去秋曾訪公雲

安今在閬州寄以此詩

白水青山空復

扶又切

春徵君晚節傍

去聲

風塵楚妃堂上

色殊衆海鶴塔前鳴向人萬事糾糾同紛猶絕粒一官羈

絆實藏身開州入夏知涼冷不似雲安毒熱新

此詩傷微君之

晚出上四惜詞五六解詞七八慰詞

山水空度春光

以其晚節猶逐風塵也楚妃比朝貴之得寵海鶴比處

士之依人今事叢猶然乏食知官卑但以藏身耳黃

注藏身猶云吏隱七句見地見時世說顧景怡不就

徵晚節服食不與世通澤州陳冢宰注楚妃猶言宋

子齊姜燕姬越女喻仕途中名位相軋炫才嫉妬者舊

引樊姬以此徵君之德非也陸機詩楚妃且勿嘆齊娥

且莫謳馬元熙詩掩抑歌張女淒清奏楚妃應瑒鸚

鵒賦表衆艷之殊色西京雜記海鶴江鷗湛方生

弔鶴丈忽聞塔前有孤鶴鳴莊子通其一萬事畢

賈誼傳紕錯相紛司馬相如傳交錯糾紛後漢書范
丹為萊蕪長適居梁沛之間所止單陋有時絕粒窮居
自若莊子知效一官晉載紀馬能千里不免羈絆
宋書劉瑀曰騏驥羅於羈絆遠注藏身即東方朔避
世金馬門意莊子夫全其形生之人藏其身也九
域志開州東至夔州雲安縣龍日驛二百九十里

盧世淮曰此詩字字沈痛說者類云諷刺因錯會晚
節傍風塵一語遂致通篇皆錯夫傍風塵猶奔走道
路耳人少壯蹇躓猶冀前途至老年道路則無復之
矣此最是傷心處海鶴鳴向人豈難驚流哉萬事糾
紛猶然絕粒一官羈絆實以藏身此等艱辛向誰人
道全是自苦自訴并以憐及徵君想寄詩時不知淩
下幾行矣

寄岑嘉州

原注州據蜀江外詩云泊船秋夜經
春草蓋公自去年秋至雲安大厯元年

春尚在其地也杜確岑參集序參自庫部正郎

出為嘉州杜鴻漸表為職方郎中兼侍御史列於

幕府無幾使罷寓居於蜀漢武帝通西南夷立

犍為郡成帝永初六年得古磬改嘉定後周改為

嘉州唐初嘉定郡領縣八乾元初仍為嘉州

嘉州在成都東南去成都為近去夔州為遠

不見故人十年餘不道去聲故人無素書願逢顏色關塞

遠豈意出守

去聲

江城居

思過岑於嘉州也

張衡詩

外

江三峽且相接斗酒新詩終自

一作

疎謝朓每篇堪諷

誦馮唐已老聽吹噓

此敘岑之近況也

謝此岑馮自

新安入成都府謂之外江一渠由永康過郭縣入成都府謂之內江縣西五里自洛口分支經漢州謂之中江


三江皆與嘉州岷江相接
前漢楊惲傳斗酒
自勞南史梁昭明太子遍讀五經通諷誦
泊船秋

夜經春草伏枕青楓限玉除眼前所寄選何物贈子雲

安雙鯉魚

此寄詩以達情也 雙魚應素書 此章三
段各四句 公湖南詩有青草續為名輟梓

青楓浦俱指地名此處只泛言如云
春草萋已碧青楓遠自愁皆泛言也



杜詩詳註卷十四